

欽定石渠寶笈續編

欽定石渠寶笈續編

第六十五

薄化軒藏

四

列朝名人書畫

二

李嵩西湖圖

一卷

本幅素綾本。縱八寸。橫二尺五寸五分。水墨

畫西湖諸景。款李嵩。

前隔水

御題行書

境即圖中圖更披湖山印證契神姿六年寤寐
遐不謂一勺清冷宛若斯每慙崇情將妙理寧
關急管與繁絲秘珍近遠如何答塢是雷峯好
在時丁丑二月題於西湖行宮御筆鈐寶一
乾隆宸翰

引首湖山佳處石田鈐印三煮石亭石南白
石翁

後幅前人題跋

江山湖山春家秀。江水湖水春家清。買舟南游作勝覽。此行絕似登蓬瀛。香水吳璫鈴印一。醯雞甕裏天。

錦纜牙樯作勝游。天涯好景落扁舟。唯看一路曉山碧。卧聽滿江春水流。詩酒有壇尋李杜。乾坤何處訪曾劉。人生得意須行樂。莫待蕭蕭兩鬢秋。嘉禾金禮。

鑒藏寶璽

七璽金

古希天子壽。八徵耄念之寶。水月

兩徵明。中心止水靜。

收傳印記

兩山仇遠

半印

汾州希之林村隱居

青笠綠蓑齋藏武林孫氏

半印

謹按金禮秀水人景泰甲戌進士

馬遠探梅圖

一軸

[本幅]素綾本。縱三尺八寸。橫一尺八寸。水墨畫雪中遠岫。古樸山徑。攜僮徒倚松。馬遠鈴

印一馬遠

御題行書。

倚梅冒雪立多時。揀擇南枝與北枝。體粟奚僮寒不耐。意中若謂此何為。己丑新春御題鈴寶。乾隆宸翰。

鑒藏寶璽

全七璽

淳化軒淳化軒圖書珍秘寶乾隆

宸翰信天主人古希天子八徵耄念之寶

收傳印記項墨林父秘笈之印

夏珪畫山水 一卷

〔本幅〕絹本。縱一尺二分。橫一丈三尺五分水。墨畫江山空闊。兩岸水村。江亭坐眺。擔簦旅行。飽帆成陣。間綴漁罾。泊櫂。臣夏珪。

御題行書

筆勢真看積健雄。寧誇刻楮小精工。水村一帶虛樁木。只在輕烟縹緲中。觀舟來往坐巉巖。風順張帆逆落帆。至理不奇人盡識。一經寫出

迴非凡。丁亥夏御題鈐寶二乾隆。

鑒藏寶璽

七璽
余

淳化軒。乾隆宸翰。信天主人。淳化

軒圖書珍秘寶。古希天子。五福五代堂古稀天子寶。壽八徵耄念之寶。化工四氣為全施。

收傳印記。雙龍圓印。天歷之寶。太朴。南州世家。桐吹齋。程敏政印。歸來堂圖書記。程應麟印。半印不可辨。

趙孟堅白描水仙 一卷

本幅素紙本。縱九寸六分。橫一丈一尺六寸。

白描畫水仙。鈐印一。子固。

御題行書。

影愛波中照。態惟月下娟。陳思成賦後。祇合以
圖傳。龍女戲珠時。羣姝左右隨。色香皈至淨。
都受兩毘尼。乙酉仲春月御題鈐寶二。乾隆
宸翰。幾暇臨池。

引首張照識。

趙子固水仙圖。方泉楊鐵崖。張孝思鄭元
東跋各一則。江村跋四則。張照鈐印一。張長
卿。

後幅前人并高士奇題跋。

瑤池昨夜天風顛。飄飄吹下凌波仙。湘神相
邀入水府。羅襪步月搖金鈿。仙姝自憐嬌莫
比。玉立亭亭照秋水。嗟哉可望不可攀。注目
滄洲渴心起。方泉鈐印三。冰壺思無邪道人
琴書詩畫巢印。
玉質生香殘雪後。冰魂夢斷月明中。生怕麗
娟輕欲舉。桃花扇底舞迴風。鐵笛道人。在七
者寮。致玉臺新體。試龍香寶齋。時景午秋八

月十日也。鈴印二。白雲峯石佳處。楊庶夫。翠帶盈盈。白玉花。天香輕灑。碧樽霞。却教雪裏留明月。誰是春風第一家。張孝思。鈴印一。

湘水深。湘月沈。湘翠帶青瑤簪。梨花雲下交明夜。黃金鑄出相思心。舜江鄭元秉題。鈴印一。元秉。

冰安高潔筆難圖。不遣春風暈玉膚。驚破盈盈湘水夢。一羣仙子戲蓮壺。抱瓮翁高士奇。鈴印二。竹窓。澹人。康熙辛未正月十九日。瓶廬水仙盛開。偶賦一章。再書趙子固所畫水仙卷後。是日雪後輕陰。天氣未暖。尚垂簾。擁爐也。葉聲殘冬翠。花舒早春妍。曉風迷洛浦。夜月下瑤天。脉脉香微逗。輝輝態獨鮮。江梅差可詠。羣卉敢誰先。竹窓高士奇。鈴印三。士奇。高澹人。閒裏工夫澹中滋味。癸酉。

年自小雪後至長至晴暖北墅水仙盛開折
之磁瓶香氣經月因賦二首復取子固畫卷
觀之遂書其後晴窗留連足以永日也仙卉
不待春開未冒冰雪清泉浸寒香幾几對芳
潔草木遍黃落何爾獨幽妍月明照清影早
占梅花先仲冬廿又八日獨旦翁奇書於柘
西簡靜齋鈴印三簡靜齋獨旦翁人

鑒藏寶璽

七五

淳化軒淳化軒圖書珍秘寶乾隆

宸翰信天主人古希天子五福五代堂古稀天
子寶壽八徵耄念之寶經史笥

收傳印記

清河郡記張則之江村秘藏士奇

生香樂意齋。高士奇。麝香齋。高士奇。圖書記。
麝香江村。真知此中之妙。高口張長卿。張得
天氏。北墅。又一印不可辨。



龔開駿骨圖

一卷

本幅素牋本。縱九寸三分。橫一尺七寸七分。
水墨畫瘦馬一。鞍龔開畫。首標題駿骨圖。鈐
印二。淮陰龔開學古文藝。

御題行書。

底須市取費千金。官字還堪六印尋。今夕貴然
同照夜風人三詠。寄遐心。困傍鹽車擬一鳴。
肯教曹霸獨騰聲。徐家月旦驪黃外。不向如來

行處行。題長歌後十日再閱是卷。因題鈴寶
二。幾暇怡情清玩。

引首

御題。

翠岩荆楚偶儻人。命蹇適丁兵燹時。晨炊夕爨
屢不繼。錯莫墨突無黔期。作馬聊以供日給。法
如篆籀出秦斯。逆旅荒寂乏几榻。伏見背上粗
成之。東郊瘦馬見是卷。殘殘支立骨倚皮。神氣

龍騰目電發。力甚矣。憊意不羈。幹惟畫肉早見。
請求諸曹霸無前為。想其賦意乃自泥。一寫礪
砢含餘悲。有如原憲貧非病。未遇武子癖且奇。
伯仲連吟誌珍重。後賢數輩留清詞。江村讀杜
乃束手。而我撫卷別有思。天閑之馬多無萬。水
飲芻秣圉人司。豈無詭銜並竊轡。筋埋肉脹日
以滋。如此駿者因泥滓。疇則入告何由知。乾
隆戊辰春二月既望四日。御題鈴寶三。漱芳潤。

烟雲舒卷 乾隆宸翰

後幅龔開自題并前人題識臣工和章。

一從雲霧降天關。空盡天朝十二閑。今日有誰憐駿骨。夕陽沙岸影如山。經言馬肋貴細而多。凡馬僅十許肋。過此即駿足。惟千里馬多至十有五肋。假令肉中盡骨。渠能使十五肋現於外。現於外非瘦不可。因成此相。以表千里之異。廷劣非所諱也。淮陰龔開。水木孤清書。

誰家瘦馬鐵色驄。稜稜脊骨如懸弓。吁嗟想是百戰後。王將棄之大澤中。毛色模糊雪點黑。齋癰斑駁土花紅。天寒歲宴道里遠。野秣幾時秋草豐。吾聞天閭十二皆真龍。太僕品豆蚤莫供五莛。如雲肉如峯。生平不試汗血

功。祇立閭閻生雄風。豈知驂驪在野食不充。
生有伯樂無奇逢。嗚呼相馬貴骨不貴肉。開
也畫圖無巧同。令我展圖三嘆心。忡忡鐵蓬
變。在清真之竹洲。館試郭玘墨。鈴印四李麟
榜第二甲進士。庶夫抱遺老人。東維子
憶昔升平貞觀年。八坊錦隊如雲烟。當時下
筆寫神駿。就中家數韓曾賢。權奇五馬宋元
祐。蘇黃賞嘆稱龍眠。本朝天馬渥洼種。指顧
千里寧加鞭。飢食玉山之禾。飲醴泉。龍驤虎
躍何翩翩。翰林仙人趙榮祿。畫法直度曹李
前。至今覽畫皆嘆息。真龍欲見無由緣。淮陰
老人氣忠義。短褐雪髯當宋季。國亡身在憶
南朝。畫思詩情無不至。宋江三十肖形模。鍾
山鬼隊尤可吁。高馬小兒傳意匠。詩就還成
瘦馬圖。夕陽沙岸如山影。天閑健步何由驂。
後世徒知繪可珍。孰知義士憤欲癡。倪瓚。

生成何用十五肋。羅帕銀鞍千百羣。可是茂
藜肥不得。骨如山立意如雲。高郵龔驥。鈴印

一龔子敬氏。

駁馬昔未遇。箭豆或不鉅。碑石氣自奇。何至
肋可數。羸劣有若斯。夫豈千里具。畫此匪徒
作深意。盖有寓。楚龔與蒙莊。同此非馬喻。陳

深。鈴印二。陳深寧極齋。

骨如山立意如雲。細肋安分十五勻。因看兩
龔詩與畫。千金買骨是何人。洛陽令俞焯。鈴
印二。越來子圖書印。山臺小隱。

自古稱良驥。以德不以力。未從涇渭水。汗血
真可惜。骨相既不凡。萬里方一息。臨陣協人
心。屢戰殊無敵。于茲筋力罷。瘦骨嗟多肋。翻
龍更垂頭。態度猶傑特。少壯既為用。衰病那
可斥。我向華山陽。萋萋春草碧。只郡楊蒼。鈴
印三。楊仲舉氏詞林備員三讓里人。

何年放汝華山陽。瘦骨稜層肉竟亡。雙耳垂
風寒欲墮。四蹄踏雪暖猶僵。無人飼秣思天
廐。失主哀鳴憶戰場。房琯可憐遭貶斥。少陵
曾賦病乘黃。謝晉鈴印四。乾坤清氣孔昭申。

伯世家。謝氏圖書。
百戰一身在。屹羸若堵墻。太平無事日。歸向

華山陽。未食天閑粟。形骸瘦不禁。何時逢伯
樂。應重價千金。吉水劉益。鈴印三。崇益。癸丑

科進士之章。東平。

題龔聖與瘦馬圖後。右吳郡魏文忠所藏龔

聖與瘦馬圖。聖與名開。淮陰人。在宋季以詩
畫知名。其作此圖。蓋得杜子美瘦馬行之意。

聖與首自題以詩。繼而題之者。會稽楊維禎
而下凡若干人。皆託之馬以喻人。其辭意有
足悲者。然予觀此圖。亦竊有疑焉。古之善畫
馬者。貴得其神氣。不貴得其形似。聖與乃以

相馬經。言馬之千里者。其肋有十五。拘拘然如數而畫之。夫馬固有十五肋者。然不必畫也。畫之不已。泥乎。予意曾霸韓幹之畫馬。不若是也。且伯樂謂天下之馬。若滅若沒。若亡若失。不可以形容筋骨相也。可以形容筋骨相者。常馬耳。由此觀之。相馬經之言。亦未必然。如必以十五肋乃為千里馬。亦猶必十尺乃為文王。必三尺乃為周公也。是世俗之見。非豪傑之見也。嗟乎。聖與既泥形而畫之。予又泥畫而論之。豪傑之士。將不併笑之耶。正統元年。中春。翰林編修徐理題鈴印三。徐元玉氏辭達而已。省齋。

右龔明字聖與。別號翠岩。淮陰人。宋兩淮制置司監。當官入朝。不仕。博聞多識。耿介不同流俗。作古隸。得漢魏筆。故其書上古。典刑具在。予家藏此。遂述所由。萬歷戊寅。六年。孟秋。

七月廿又四日。在赤松軒書墨林項元汴。鈴印四。橋李項元汴印。子京父印。項墨林鈐賞章。圖繪寶鑑所載聖輿作隸書極古善畫山水。師法二米。人馬師晉霸。描法甚麗。尤善作墨鬼鍾馗等類。怪偉奇特自成一家。今觀此羸馬圖詞翰。寄形寄意。益見所蘊。諸賢品題盡聚其義。後人什襲流傳。迄今幾二百餘年。而紙墨完整。豈非有神物護持而何。來世子孫宜加珍重。無忽。七月廿又四日。復開閱是卷。重言鈴印二。項元汴印。墨林秘玩。龔翠岩負荆楚雄俊之材。宋末父子陷元。逆旅荒寂。無几榻。每得片紙。令兒俯伏於其背。上作馬。充數日之食。生平有山中鬼隊出奇神變。入寫宋江三十六人。形模雄怪。皆以宕其魁落忠義之氣。去年冬。余舟過吳。得其羸馬圖。有楊鐵崖倪雲林跋。更足珍秘。春來重

裴思欲題一詩於後。逡巡落筆。思杜工部瘦
馬行。誰能及之。因書卷尾。東郊瘦馬使我傷。
骨骼硤兀如堵墻。絆之欲動轉歌側。此豈有
意仍騰驤。細看六印帶官字。衆道三軍遺路
旁。皮乾剝落作泥滓。毛暗蕭條連雪霜。去歲
奔波逐餘寇。驛騾不慣不得將。士卒多騎內
廐馬。惆悵恐是病乘黃。當時歷塊誤二馱。妾
車非女能周防。見人慘淡苦哀訴。失主錯莫
無晶光。天寒遠放雁為伴。日暮不收烏啄糞。
誰家且養願終惠。更武明年春草長。康熙戊
寅夏六月廿七日。晚涼書。江村高士奇鈐印
四。士奇。高澹人。行憲。高詹事。
宋龔開聖與畫羸圖。詞翰名賢題識。墨林項
元汴清秋口字號。鈐印二。子京所藏。項元汴
印。
千金買駿半價直。朽骨幸售燕昭時。的盧顧

顧孟德。不逢真跡。無鳴期。四十萬匹木槽。
樣。幹也。粉本。陳於斯。評書瘦硬。杜陵癡。其論
畫馬。亦以之。國中要道。認筋骨。肯因肉勝。李
妍皮。蹄高。挽促氣。森疎。瘦腦。寧必纏金羈。是
何碑。兀炯然。立勁筆。凌厲。龔生為。龍媒。罷病
士寒飢。太息如應。噴嘶悲風。塵外自有真契。
洗空凡俗。留高奇。前身應入。垂黃署。幻影還
感風雲詞。

君王不少。渥渥產。鹽車。踏蹬。紫深思。莫教絕足。憫
遺弃。豈惟天育。慙職司。沈淪終得被。

恩顧。枯瘁便可迴。宣滋。賡吟重發。數奇數。畫師竄
老無由知。臣梁詩正恭和。鈴印二。臣梁詩正。

補拙莫如勤。

曹霸陳闕去已遠。龔生妙技突伯時。當年流
落困伏櫪。惜無善聽鍾子期。那知斷楮珍拱
璧。四百餘載貴如斯。絢然流轉不終闕。

溫室清宴坐致之。古香拂拂浮几榻。愛賞神駿遺毛皮。按圖豈讓照夜白。立仗肯負黃金羈。食盡石粟誰與致。志在萬里何能為。杜陵長歌抱餘痛。昌黎雜說據深悲。卷中骨格驚碑瓦。象外精爽猶權奇。風生電掣想逸足。天豪飛洒瓊琬詞。鹽車久沉有如此。築臺市駿興遐思。即今王良耿星象。八坊十萬職有司。渥洼龍種大宛至。甘泉沙白春草滋。龔生生恨不同世。九原喜氣吐可知。臣汪由敦恭和。鈐印二。臣由敦。惜分陰。

古人千金市駿骨。翠岩所處非其時。厓山一角海水沸。此生那有青雲期。憑仗禿筆寫骨次。呈材天驥恒於斯。胡為不寫豐腴寫羸僂。辱奴隸手往往鞭捶之。蘭筋銅骨眼未見。俗賞但解珍毛皮。梭梭並露十五肋。久虛棧豆道。踐羈繫。每從境遇出。神妙忘却經營為。

嘗聞紙鋪兒背代几席。室無一物可。可悲。杜陵野老賦。瘦馬兩人寄託。並是人中奇。平湖聖人顧。參事有語不敢吐。氣怯力薄難為詞。一朝得選

宸藻。揮洒營神思。權奇滅沒處卑伏。塵外賞識關職司。南城泥滓無汙辱。東郊苜蓿添華滋。披圖硯碑發遙既。方今渥洼龍種盡受天家知。臣沈德潛恭和鈴印二。德潛

題籤

御筆。龔開駿骨圖。神品。香齋珍玩。鈴寶二。神品。乾隆

宸翰。

鑒藏寶璽

金


淳化軒。淳化軒圖書珍秘寶。乾隆

宸翰信天主。人古希天子。五福五代堂。古稀天子寶。壽八徵耄念之寶。三希堂。虛衷澂照。天地為師。寓意於物。研露。

收傳印記。李君寶鑒定。嘉禾李氏珍藏。樵李。李氏鶴夢軒珍藏記。天籟閣。宮保世家。項子京家珍藏。項林子。神品。子京父印。子孫世昌。墨林父。寄傲子孫永保。樵李項氏士家寶玩。虛明忠孝之家學古堂印。平生真賞。七者察。

子京所藏墨林山人墨林項墨林父秘笈之
印。高氏江村草堂珍藏書畫之印。簡靜齋退
客竹窓高士奇圖書記耗壯心遣餘年江村
秘藏江村神游心賞。

謹按龔驥乃開兄弟。故詩中以楚兩龔比之。
陳深字子微吳人。元天曆間以能書薦不赴。
著寧極齋稿。楊翥字仲舉吳縣人。楊士奇薦
授編修。官至禮部尚書。謝晉字孔昭吳縣人。
能詩。玉山水與吳寬友。劉益吉水人。宣德癸
丑進士。官祭酒。



錢選畫諸葛亮南征圖

一卷

本幅絹本縱九寸三分橫六尺四寸。設色畫渡瀘事。旌幟前導。大軍乘棧二。或乘壺浮渡。凡人五十七。馬八間。以旗幟雲水湧溢。礮嶺深曲。款錢選鈴印一。舜舉。

御題行書。

槎渡羅瀘態逼真。先南深入豈辭辛。如何集衆多。鳬藻不見綸巾草表人。乾隆丙子春御題。

鈴寶二乾隆

後幅王寵書諸葛亮後出師表文不錄庚辰歲

九月望後一日書於石湖禪院雅宜山人王

寵鈴印三王履吉印雅宜山人大雅

鑒藏寶璽

七重金

淳化軒淳化軒圖書珍秘寶乾隆

宸翰信天主人古希天子五福五代堂古稀天

子寶壽八徵耄念之寶

錢選畫陶潛歸去來辭圖

一卷

本幅素綾本。縱八寸一分。橫二尺八寸五分。
設色畫陶潛歸去來辭意。自題衡門植五柳。
東籬采紫菊。長嘯有餘情。無奈酒不足。當世
宜沈酣。作邑召侮辱。乘興賦歸歎。千載一辭
獨歎吳興錢舜舉鈴印三。舜舉錢選之印。錢

氏

御題行書

淵明歸去賦清辭。寄傲壺觴謝世知。千載隱名
偏藉甚。畫圖每寫泛舟時。乾隆御題。鈐寶二
幾暇怡情。乾隆宸翰。

引首歸去來圖。

篆書。

無名款。

後幅鮮于樞書淵明歸去來辭。

見

養心殿

所藏。

趙孟頫

題。

書歸去來辭真蹟卷。

大德庚子十一月十二日鮮于樞

書於維陽客舍。鈐印三。鮮于伯幾印章。虎林

隱吏。

鑒藏寶璽

七璽金

淳化軒。淳化軒圖書印秘寶。乾隆

宸翰。信天主人。古希天子。壽八徵耄念之寶。

收傳印記

周季良氏瓢印不可辨。復卦圓印。

郭氏家藏小方印二不可辨。軍司馬印。天籟

閣。項墨林父秘笈之印。墨林山人。虛朗齋。墨

林堂。宮保世家神品。項子京氏寄傲。子京父

印。項墨林鑑賞章。項叔子。鴛鴦湖長退密子

京所藏。攜李項氏士家寶玩。桃花源裏人家。

墨林永昌。

錢選山居圖

一卷

〔本幅〕宋牋本。縱九寸三分。橫三尺七分。水墨。畫山坳林屋舟橋諸景。自題。瞻彼南山岑。白雲何翩翩。下有幽棲人。嘯歌樂徂年。叢石映清泚。嘉木澹芳妍。日月無終極。陵谷從變遷。神襟軼寥廓。興寄揮五絃。塵影一以絕。招隱奚足言。右題。余自畫山居圖。吳興錢選舜舉鈴印三。舜舉印章。錢選之印。舜舉。

御題行書。

未聞巢由買山隱。巢由隱處定名山。五畝之園
千古計。數椽草堂終日閒。高賢羣結忘年友。舊
句應同半偈刪。鈇規豈必傳靈運。吾亦遊神於
此間。丁卯小春月上澣。御題鈐寶二。幾暇怡
情。乾隆宸翰。

引首山居圖

篆書

太僕寺丞前中書舍人直文

華殿四明金湜篆。鈐印四。仁山朽木居士本。

清丹心白髮

後幅前人題跋

錦城方天瑞元英先生後人得白雲山居圖
彷彿桐廬山中隱所錢舜舉真跡別是一種
風致漫系以詩山村老人仇遠翼翼山千原
蕭蕭屋數間石岩不可渡門迎幾曾聞綠樹
經秋在。白雲終日閒。依稀稀鏡湖曲。西島水迴
環。延祐四年九月。書於杭城北橋鈴印三。綠
野亭。南陵仇遠山村仇遠仁近。
吳興公蚤歲得畫法於舜舉舜舉多寓人物
花鳥。故所圖山水。當世罕傳。此与蓋其自寫
山居。景趣既高。筆墨精妙。尤為合作。詩亦雅
麗。非近人語。僕以戊子秋七月得於書肆。如
獲古圖。史云。因次韻識歲月於后。秋風動岩

樹。歸鳥何其翩。我思岩中人。可以樂忘年。夫
君乃詞客。畫手故作妍。吳興圖畫藪。誰隨時
好。遠上岩雲積雪。下岩水鳴弦。展卷纔尺許。
坐對兩無言。山澤臞者張而題。於開元靜舍
之浴鵲灣。鈴印二句。曲外史。崇國世家。
雲溪翁。吳興碩學。其於經史貫串於胸中。時
人莫之知也。獨與教君善。講明酬酢。咸詣理
奧。而趙文敏公嘗師之。不特其畫。至於古今
事物之外。又深於音律之學。其人品之高。如
此。而世間往往以畫史稱之。是特其游戲。而
遂掩其所學。今觀貞居所藏此卷。并題詩。其
上詩與畫稱。知詩者乃知其畫矣。至正八年
九月八日。大痴學人黃公望。稽首敬題。時年
八。表。鈴印一。黃公望印。
無官落得一身閒。置我當於邱壑間。便欲松
根結茅屋。清秋采菊看南山。顧阿瑛。鈴印二。

吳下阿瑛。玉山草堂。陶情寫意。餘不之水。浮玉山。仙人來往乎其間。建碑藻

思。發天巧。移星翳楮。留人間。錢公山居。竊綿

密。深澗山林。閱白日。翳去而今能幾年。舊游

一變成荒烟。惟有墨跡長不泯。夜夜白虹光

滿天。遂昌鄭元祐。如斯水墨畫尤難。蒼茫樹

色烟霞外。合作營邱老筆看。楚石道人題。鈴

印二。法慧所說。楚石。何山。西上道場山。山自白雲僧自閒。至人不

與物俱化。往往起出乎兩間。洗心觀妙退藏

密。閱世千年如一日。翁今仙去未百年。人民

城郭俱飛烟。囊楮題詩留粉墨。劍座豐城光

在天。倪瓚次韵。遂昌翁所賦。庚戌。題山居圖後。廿年前余閱錢舜舉山居圖

於瑣溪沈悅梅宅。生紙用筆得王右丞家法。

綠淺墨深。細膩清潤。直與唐人爭衡。圖為張
貞居伯雨所得。和詩一篇。詞指甚遠。書法精
妙。殆非時製。余時初學貞居書。以悅梅為吾
壻。張訓舅氏。從其乞得之。置古墨林卷中。書
雖存。而圖則缺。每有神銀異處之嘆。成化癸
卯二月四日。悅梅之子志行。以義新校承事
郎戴酒往賀。出圖贈余。兼得黃子久郎明德
琦楚石倪元鎮仇仁近諸作。展誦之餘。不忍
釋手。篝燈滄江虹月舟中。且閱且和。凡得四
首。惟志所喜。罔知形穢。不可與古並也。雖然
古今人未必不可相及。故韓退之送楊巨源
嘗一言之。余可無言。以附尾耶。神銀合並。宜
亦係之天也。余之後人。尚保有勿失。後學姚
綬記。鈴印三仙村進士嘉興姚公綬氏讀聖
賢書樂神仙道。
右第一跋。初得之。為虹月舟物也。故志喜。以

云。然為物於虹月。知第幾哉。予又初見之於
今之。日馬仲夏二日。鼎識。

追次諸作附。雪溪迴羣山。山勢相聯翩。雲
翁攜山居往來已多年。得趣自寫圖。林壑秀
且妍。起處與歌嘯。於此無捕遷。外有白板扉。
中有朱絃。貞居事品藻。亮為知者言。右張
貞居先生韻展圖。不獨可娛閑。妙絕當求古
作間。長願眼明如此日。短蓬隨地看佳山。左
玉山顧阿瑛韻。客常笑我不買山。我愛水竹
村幽閒。石梁平坦行可度。吠犬鳴雞隣舍間。
昔人養性藏深密。懶出戶庭銷永日。花開花
落罔知年。補屋牽動蒼蘿烟。錢公畫圖好山
樹。一綠交映如春天。右遂昌鄭明德韻。山麓
沿溪上。山居入樹間。雨香泉泱泱。風細鳥關
關。僻地真堪住。新圖不等閒。一時諸作手。價
重玉連環。右山村仇仁近韻。東海倪元鎮之

作乃鄭遂昌詩故不次耳。綴記鈴印二姚嘉

雲溪之奇墨非句曲玉山遂昌雲林山村諸
大老不能以有聲之畫相為奇也非吾雲東
逸史又安能繼諸老後塵其不為虹月舟聚
奇也耶。題。

山居辭。溪有山兮山有居。山中之人兮樂

何如。朝開窓兮雲合暮開窓兮雲舒。水循除

兮宛轉。樹繞巷兮扶疎。陰前檐兮高柳。摘南

園兮佳蔬。社祈年兮飲酒。客乘月兮驅車。田

屨登兮新穀。架盈棟兮舊書。或托友兮麋鹿

或混迹兮樵漁。詠衡門兮翳翳。忘夏屋兮渠

渠。既理亂兮不知。曷庸心兮毀譽。山中之人

兮樂有餘。故吾薄世味兮棄歸歟。吾適所

安兮。維其朝暮。吾知止足兮。庶幾無過。山居

兮伊何。可抱元兮養素。啓戶牖兮見彼南山。

居之安兮意高閒仁者樂兮在靜日自落兮
雲還。猗山中兮有猿有鶴四時之交兮良不
惡。起處食息兮于斯難以告人兮吾心之樂
考槃礪阿兮碩人之軸。獨寤歌兮獨寤宿。
瞻萊竹兮洪園歎白駒兮空谷。彼爲國兮人
斯高世之士兮係以詩百年文物兮予得之
觀其物兮。鈐印一公後。錢舜舉畫品甚高人以花鳥
見稱蓋未嘗多見其山水故也。觀此山居圖
七分用墨三分設色筆法絕類輞川優入顧
愷之之域。趙松雪素所師資。豈真阿私所好
哉。況貞居於書肆中一見此圖而賞識之。復
和。其詩語意冲淡字畫清逸無慙是翁大癡
云。知詩者乃知其畫亦名言耶。故余大書特
書。不一書而足也。是日綴過石雲橋記鈐印
一姚。深墨寫石山淺綠敷樹林人家足亭

樹。魚鳥相浮沉。古渡嵐霏合。平橋野色侵。日
塵中客。於焉肯幽尋。吾乎辨此志。清世早
投簪。佳境若真有。時携孤桐琴。一寫山林樂。
允契千古心。古人得佳畫。不限于大小。幅
或橫卷。繼楮。仙佛古賢花鳥樹石龍水之類。
米芾畫史首載晉人顧愷之戴逵不二三幅。
筆彩生動。為不易得。次及六朝有唐。附以五
代。如張僧繇王維者。蓋不多得其人。古今一
揆。余得舜舉山居圖。佳者何在。長幅大軸耶。
更越數百年。而舜舉之筆。何可得也。政猶米
芾之於顧愷之五維輩是已。貞居謂如得古
圖史者。誠哉是言。越三日甲寅。過鴈鵲湖書。
鈴印一。公綬水閣新展卷。山居舊寫圖。樹
陰絲若有嵐氣。遠還無。上下峯巒互。東西浦
漱流。藍田莊子上。單裕可風乎。我欲移清雪。
沿流偕好山。塵飛隱几外。趣在下居間。新水

若魚動斜陽。卷鳥還。輕肥五陵內。能得幾時
閒。展卷復展卷。賦詩還賦詩。烏啼山葉盡。人
坐野花時。雙轍任公釣。重元墨子絲。風流千
古事。今日渺予思。白果貞居者。摘詞類古人。
書常北海妙。句遍杜陵真。握筆銷清夜。開圖
對好春。都將眼前水。洗盡半生塵。挑燈論畫
法。尚友重文章。夜色白爛漫。歌聲方抑揚。茅
峯仙夢遠。雲水墨波長。二百年餘物。來登逸
史堂。展閱生新喜。吟哦結舊知。燈花紅靡靡。
劍鏐白差差。品薄當居上。斯文合在茲。隣翁
笑予老。樂此不為疲。晡時書於西麗橋下。鈴
印二大雲公綬。
跋後又和韻四首。自為韻騷體三首。唐選一
首。五言律六首。喜甚而不已於詞。由乎物之
佳甚。而不厭乎心目口手故也。予耄矣。心目
之不厭。可仿佛吾丹邱三二口手之倦甚。則

虹月之一冗客。况鄭倪仇顧可丹邱主人曠
世為友。豈桐村牧可穢廁耶。八十三翁桐村
周鼎書於武店舟次。
山居圖歌。語地水竹多。獨恨青山遠。今得
山石圖。詩篇喜盈卷。此圖何人作。乃是雲翁
還。雲翁山水落墨強。畫法駸駸乎晉唐。矮屋
不類綠野堂。怪石絕似黃茅岡。白雲來去青
滿床。主人假仰消畫長。東窗西溪無遺老。樹
外小橋連碧草。展圖不復得此翁。松雪齋中
皆為好。癖中盡是梅玉慶。等閒不許天風掃。
人雖已矣。卷長留人得。文章纔壽考。吁嗟得
圖難。携上步虛壇。毛骨盡森寒。浪浪零露寒。
零露寒。峭無語。若山對面相爾汝。今年借居
擬避暑。蔚然深秀闕行旅。朝開暮落窮烟霏。
誰能乘此行采薇。願圖幻出一拳石。千岩萬
壑爭光輝。美哉仙伯貞居子。得圖賦詩有如

此百年遺吾勝百朋。二老之神何日元。貞居
書翁生同時。時有先後云誰思。水竹仙村永
為寶。星斗射虹光。陸離落花茫茫。案漢漢一
度故園。一歡樂。我尚携登天祿閣。右歌張燈
時。始於分鄉鋪。成於本覺寺。明日隸古於皂
林。石門之間。匪欲夸多。惟志愛之無已焉耳。
三月廿三立夏日。逸史敘題記。鈴印。姚公
敘。讀聖賢書樂神仙道。大雲帝陶唐之苗裔。
雲東仙館癸酉。舟中賴此能消日。半尺溪
藤意趣多。雲叟畫圖凌晉宋。貞居詩語過陰
何。山迴樹繞門空設。雨過風輕水不波。誰個
寒。躋窮險阻。一聲長嘯出烟蘿。過語兒溪賦。
鈴印一嘉禾。三日不展卷。何異隔三秋。今
日一展之。頓然消百憂。片紙與隻字。古人尚
見收。別茲美圖史。契我山居幽。林鳥當我啼。
石瀨當我流。寄傲倚南窓。濯足弄扁舟。回視

五陵內。輕肥乃浮溫。吾生保此卷。頻仰盡優
游。在碧鳳堂。人來索了清逋。日終如也。比夜
則饑蚊惱懷。遂徹燈火。無暇展卷。四月二十
日。早飯罷題。鈴印一姚。余自辭官來。忽忽
十五年餘。有志世外真樂。凡於古人圖書翰
墨。有關於此者。輒收蓄之。今年春。既得錢舜
舉山居圖。其上有張貞居和章。脫去塵土。深
愜所志。不閱月。又得羽客惠松雪學士遺扇
一握。絹素絕不利爛。手書七言四句云。古墨
輕磨滿几香。研池新浴照人光。北窓時有涼
風至。間寫黃庭一兩章。於志又復愜之。何幸
疊得吳興二妙。並皆珍重。乃兼記耳。鈴印一。
雲東逸史。我能山中行。未能山中居。他日
故園裏。跼蹐真躊躇。黛色于雲霄。相去百餘
里。惟開依林窓。誰鈔種樹書。無山有水竹。聊
將襟抱舒。况得山居圖。詩什深啟予。願言住

西湖。既樵而復漁。方伯劉閣諸公。邀予游吳山之紫陽庵。飲至酣暢。因得以窮山水之樂。明日大參韓公。復邀予泛西湖。登燕於靈隱寺。山行凡兩日。感而賦之。逸史記。鈴印一。公綬。人見余題山居圖太多。或者笑之。或者知余懸懸此圖二十餘年。一旦得之。譬諸與一交好者。別久乍見。必傾倒。不自知言之重且複也。此則知余者也。士信於知己。屈於不知己。從古為然。何足異哉。是月三日。西湖書院。飲歸。燈下記此。鈴印一。大雲。

中一段長句二首。一三月廿三日。舟至本覺寺作。一念五日抵靈芝寺作。又七言律一首。語溪舟中。蓋廿四日也。五言選二。一則四月二日在靈芝。一在靈隱。不日。最後一跋。署是月三日。則靈隱之作於是日。跋於是夕。前後凡二十餘首。亦自訟其太多。貽或者笑。又自解。

曰士屈於不知己信於知己余固非真知己者不笑其多愛其敏而瞻也特笑其嗜古成癖有自溺以劫蔡太保之顛歎巧為之解得乎既而強子續貂子欲強分此卷為二物移虹月於桐村上也則怖子以米之顛自許子則死不許馬子亦以其不怖子者怖之坐客眇胎哄然一噱曰古今痴絕代不乏賢端陽前三日周鼎書前輩風流不可得見風流在遺墨無聲詩數害溪翁妙句尤能淡無跡黃篋樓中寶藏久題品曾煩井西吏迂倪跋鄭為後先唾落珠璣欲盈斗元英有孫白雲房又能轉藏人不藏回首桐廬好山色也曾仇覽栖鸞皇翩翩徬背羣仙去環珮餘音渺何許神光吹不散罡風斗畔時時夜虹吐雲來逆史辭芳衣嗜古急忙如渴饑寺開光忙手可招律底奇珍皆我禪銀海波寒盪明

月。玉池秋水暖生肥。對此不覺融心神。上辭
連連如轉機。古人今人曠百世。前身後身無
乃是。卷舒舒卷兩相忘。猶自不能忘夢寐。謾
將花鳥評吾雪。一紙青山落屏几。衮衮篇章
題未盡。痴黃言其學有本。若為詩書掩其名。
自古美才天所悵。歸來乎雲東子。所逸所勞
者何事。答言一掬研池春。儘力功夫了於此。
門外冗塵間自起。方自揮豪掃生紙。苔雪二
溪同。一水安知溪上山。我升不在駕湖鏡。光
裏明年甲辰春正月乙卯。書於雲東仙館。時
年八十有四。鼎識。
奉次前韻。畫法師心者難得。手與心融脫
絕。墨政如老雪山居圖。宛宛猶疑見行迹。此
居依山往來久。又如五一置一叟。但能容膝
自然佳。豈怪人嘲小於斗。水竹村有吾堂房
頃得此圖。吾寶藏。先朝諸老遺賦詠。句曲泉

中。孤鳳凰。雪溪流水。湯湯去。併入蒼溪。知幾
許。詩語長留天地間。離。春山暖。雲吐。嗟。予
早製芰荷衣。濯足滄浪。每樂饒。有時散步。夕
陽裡。芳草野橋。隨意歸。桃花柳花。次第落。萬
綠繞。簷陰自肥。漁童。聯翩出泛艇。纖婦。伊軋
鳴當機。我思古人。雖異世。畫絕痴絕。今亦是。
考槃在澗。復在阿。永矢。菲。諼於寤寐。桐村老
收光前作。展卷大書。橫。裴几。乾坤清氣流。不
盡。倡和連篇。乃張本。閱。寥。短章余附尾。才如
機線。非余怯。便欲招起元真子。擬頭細雨。同
其事。明月太虛。今古心。擲却浮名。皆似此。如
吾老。收不吝作牛腰之軸。還添紙。尚伺倒傾。
三峽水。洗盡徐寧塵。萬斛。不使飛來吾社裏。
是歲三月朔。姚綬書於白雲枕書窩。鈴印三。
夫雲公綬。天田老農。
楊伯吉拜觀。卷初到卷末。文采何翩翩。模糊

山水圖。一紙餘百年。真藏雲東館。披乘風日
好。仙翁愛惜重。至老心不遷。新題時舉筆。白
雲在末絃。嗟余亦何者。亦尾古人言。猶吉
錢。雪川畫山居圖。詠元諸名公。品題詞翰。姚
侍御。丹邱公。墨妙。裝潢成卷。項少溪主人。授
弟墨林子。珍秘。原價叁拾金。鈴印二。項元汴
印。子京父印。下有秋字編號。

鑒藏寶璽

七璽全

淳化軒。淳化軒圖書珍秘寶。乾隆

宸翰。信天主人。古希天子。五福五代堂古稀天
子寶。壽八徵耄念之寶。

收傳印記。長永存珍秘。希世有姚姚氏鑑定。

真蹟帝陶唐之苗裔。公綏世昌。癸酉元升察酒。
半印。晉軒珍賞。永以為好。義齋清玩。風雅舊隱。
白雲方氏其宜。半印。雲山齋元英裔。孫水竹村。
合章。綠野亭印。友古軒子長寄傲。子京珍藏。
項叔子。桃里子京父印。退密平生真賞。墨林
之印。宮保世家。項墨林父秘笈之印。項元汴
氏。古檣李狂儒。墨林山房史籍印。元汴子孫
世昌。墨林子。項元汴字子京。墨林。墨林山人。

項子京家珍藏。墨林山人子京項氏元汴精
玩書畫之印。若水軒。子京所藏。項元汴。項墨
林鑒賞章。墨林主人子京。項子京精玩印。香
岩居士田疇耕耨。天籟閣。淨因庵主。子孫永
保。橋李項氏士家寶玩。耿會侯鑒定書畫之
章。

謹按是蹟見珊瑚網書畫彙考題跋均同。標
名浮玉山居圖。據周鼎跋三月廿三日山居
歌下。尚有三月廿五日長句一首。今獨闕此
篇。蓋重裝時以泥爛裁去。謹從珊瑚網鈔補。

以見其全云。七平長律。蒼茫淫滲。還分明
諸峯盤迴。如天成。遙看津頭浮虹船。徐口空
中。嶧金莖。採幽窮。奇相攀緣。乘涼披紛。聊征
行。東塗西皴。殊連延。高張低垂。皆輕盈。簷阿
翬飛。凌層霄。闌干蛇紆。圍孤坪。逶迤分岐。村
園深。依稀穿雲橋。梁平。滄洲汪洋。微風吹。交
疏空虛。斜陽橫。丹青何時消。餘閒。乾坤斯翁
留其名。藍田人亡。遐吾思。茅山仙來。增詩情。
臨池揮毫。千軍推。開圖游心。雙眸清。馳驅將
追前脩蹤。咿嚙尤慙。羣賢薈。駕駘惡乎起。神
駒。鵠鶴胡然巢。遷鶯。書題聯翩。雖誇多。掄揚
優柔。難求精。孤懷悠悠。清輝堂。長波湯湯。吳
興城。并刀裁泓誰之盟。餘光當分吾諸生。是
月廿五日。余因訪韋庵。廡訪使。假榻于古杭
靈芝寺之碧鳳堂。對雨無聊。捉筆書此。逸史
記。

錢選五君詠圖 一卷

本幅宋牋本。縱九寸三分。橫四尺四寸二分。
設色畫。甄飭二。阮籍左執蕉葉。右秉扇。向秀
仰卧共席。劉靈持盃。嵇康撫琴。阮咸背而撥。
康鼎足坐。侍童子四人。自題五君詠圖。鈐印
一。舜舉。每人標名。接紙自書。顏延之五君詠。
阮公雖淪跡。識密鑒亦洞。沈醉似埋照。寓辭
類託諷。長嘯若懷人。越禮自驚衆。物故不可

論途窮能無慟中散不偶世本自餐霞人形
解驗默仙吐論知契神立俗迂流議尋山恰
隱淪鸞翮有時鍛龍性誰能馴劉伶善閉關
懷清滅聞見鼓鐘不足歡榮色豈能眩韜精
日沈飲誰知非荒宴頌酒雖短章深衷自此
見仲容青雲器實稟生民秀達音何用深識
微在金奏郭奕已心醉山公非虛覲屢薦不
入宮一麾乃出守向秀甘淡薄深心託豪素

探道好淵元。觀書鄙章句。交呂既鴻軒。攀嵇
亦鳳舉。流連河裏遊。惻愴山陽賦。魏嘉平中。
阮籍嗣宗。嵇康叔夜。山濤巨源。劉靈伯倫。阮
咸仲容。向秀子期。王戎濬沖。並居河內山陽
縣。共為竹林之遊。世號竹林七賢。顏延平作
五君詠。乃黜山濤王戎。以其貴顯。有負初志
也。余因作五君詠圖。且書延年詩於卷後。清
曜老人錢選舜舉鈴印二舜舉印章。錢選之

印

御題行書

嗣宗青白眼。傲睨人間世。行不拘禮法。學乃通
神契。高論祖蒙莊。正言折蔣濟。蘇門鸞鳳音。夫
乃知不逮。叔夜性既巧。子期亦佐鍛。探道論
養生。往復相辨難。巢許不達堯。辭遁心無憚。三
詠西邁賦。終始交情見。沛國更不羈。陶陶忘
所以。鹿車散漫遊。寤寐視生死。心醒身任醉。器

度誰能揣。不聽婦兒言。粗論含至理。疎懶虱
不除。了飲髮任亂。許由羨棲岩。子房輕佐漢。逸
躅託雲霞。浮榮判冰炭。徘徊顧日影。絕矣廣陵
散。仲容能豫流。放達蔑儀度。佳話至今傳。犢
鼻掛大布。山公號精鑿。罄折心生慕。累騎追婢
歸。或亦失貞素。竹林之遊。名艷典午。延之著
詠。黜山王而標以五君。其見卓矣。元錢選為各
寫其像。而書顏作於後。展卷間。其席地幕天。縱

情任達高致可挹也爰效顏詠各成四韻分綴其上戊辰閏七月望前一日御筆鈐寶七乾隆宸翰得佳趣幾暇怡情三希堂會心不遠乾隆

後幅前人題跋

顧延年作五君詠錢舜舉為之圖而書顏詩于後五君狀貌類與不類且不必論但肆意酣暢之態宛然在目雖親遊竹林所見殆亦爾爾舜舉繪事之精乃至此耶正德戊寅六月七日風雨不出展閱書此款完鈐印三陳湖長洲陸完水村居士


鑒藏寶璽

七璽全

淳化軒淳化軒圖書珍秘寶乾隆

宸翰信天主人古希天子五福五代堂古稀天子寶壽八徵耄念之寶

收傳印記天水郡記希世有閒看雲磐明舉圖書吳郡陸氏春草軒藏書印花氏貞節堂其永保用又蒙古文印一



錢選畫蓮花 一卷

本幅素綾本。縱九寸。橫二尺六寸。設色畫紅白蓮花。

御題行書。

夜來傳得曉霞粧。一種先施縞素裳。對擘玉奩
閒照處。淡濃雖異却同香。丙寅御題鈴寶二。
乾隆宸翰。幾暇臨池。接紙選自題。西母瑤池樂
未央。仙人醒醉在容光。風標自有天然態。不

管濃粧與淡粧。右題紅白蓮花圖。余愛酒愛
畫。不過遣一時之興。而假作余畫者甚多。使
人可厭。今改號雪溪翁。凡無此跋。皆偽作也。
錢選舜舉題於自畫卷後。鈐印二舜舉。錢選
之印。騎縫鈐錢選之印一。今重裝為隔水所隔。

後幅前人題跋

錢選丹青攻傳色。筆下能分紅與白。動搖湘
水。激明寒。二妃恨滿朱絃瑟。露滋雨浥淨娟
娟。照影有時還共憺。何如芙蓉生木末。芳叢
乾老清霜前。水晶宮中雲霧濕。後來作者何

可及。害溪翁是舊王孫。粉黛從容生彩筆。廬
陵張光弼。鈴印三。大雅張呈印。張光弼印。
朝紅。庭晴雲。夕素墮涼月。溪沈烟光。川淨
露華結。窈窕雙婢。娟凌波。闌芳潔。濃淡欣可
愛。嬌羞更堪悅。鮮麗忽蕩漾。相顧共愁絕。長
恐秋節至。顏衰不成折。迢迢一水間。欲往諒
難涉。臨流空嘆息。歸來理輕轍。錢唐何歇。鈴
印一。何敬彥恭印章。
西湖五月多芙蓉。波心兩花能白紅。粉汗香
飄水殿夕。朱顏醉立瑤池風。淡粧濃抹若相
妬。清影嬌容還自同。不信丹青出妙手。我欲
蕩槳玻璃中。錢唐趙玘。鈴印一。趙孟起氏。
右錢舜舉紅白蓮圖。水雲深處畫永。鮮語
華相並。標格天然好。濃粧淡粧都稱。雨過波
塘淨。風初定。微弄金波影。醉魂醒。嬌態雅態。
西湖同占清景。芳心無奈。粉腿脂殘香冷。翠

蓋斜歌。羞對鏡。人靜。綠房空鎖。烟暝。南屏莫
昌。鈴印三。廣莫子。得月樓。莫景行氏。

題紅白蓮華卷。太液池深。月夜寒。當年曾
向。倚欄看。影搖白羽。風初動。香裏紅綃露未

乾。有意爭妍。成並立。無心對面。盡交歡。玉肌
儘自多顏色。却笑愁來酒興闌。錢唐王正道。

鈴印三。王子中氏。子孫永保。水殿涼生。碧玉漪。吳王晨起。宴西施。翠雲撲

地。餘香遠。絳袖霓裳出舞時。劉紹。鈴印一。劉
子憲。

六月南風水氣涼。絳綃掩映白霓裳。太真自
是多顏色。不怪三姨淺淡粧。岳桂。鈴印

三。秋水。東白琴書適意。亭亭池面出雙蕖。紅白相輝意自如。莫把傾

城顏色比。靜香當到愛蓮書。丹竈生周昉。鈴
印四。亞樗民元亮。陶寫性情。

填齊天樂譜。賦吳興錢舜舉所畫紅白荷華
錄呈詞社諸名勝指教。維揚朱誼上。水精
宮裏秋如畫。荷華集然紅白。仙隊齊分。宮粧
閒列。超是內家秦鏡。盈盈脉脉。甚同疎淺波。
國呈雲頌。不道湖軒王孫一見。重憐惜。丹鉛
等閒染就。雙葩堪玩。處香露。凝色肯比嘉蓮
並頭。猶是兒女。雨魂風魄。語應解得。忘便學
當年牡丹。傾國回首。苔路數峯天外。碧洪武
丙辰八月六日。錢唐東城寫。分鈴印三。巢
民。郝仲義。龜溪漁者。
水晶宮裏碧雲重。自古紅顏妬玉容。恰似燕
姬並趙女。一時飛上紫駝峯。錢唐高讓鈴印
三。三卦印。高讓之印。高士諷印。
德化于玉。顏如渥丹。匪誇匪妖。弟兄二難。蒙
泉鈴墨印。三。情發于聲。章師孟氏。季醇。
人言越女天下白。恰似若耶溪畔蓮。載得西

湖歌舞去。醉扶紅玉。藕為船。吳興董存鈴印。
三。既易餘暇。董存印。彥成。

不見風流愛酒翁。畫船遊徧水晶宮。中央
鴻微波外。還有荷花間白紅。會稽謝肅。鈴印。

一。翰墨清事。

雲川翁寫生。妙絕當世。其設色如僧家談禪。
水月鏡花。非無非有。趙崇祿亦嘗師其法。蓋
自趙昌以來。一人而已。此紅白二蓮。亭亭相
映。真有倚風含露之態。非得畫家三昧者。不
能也。甲午夏至前三日。松院展閱。因題。王穉
登。鈴印。三。湛然居。尊生。王穉登印。
畫家不必拘拘求似。自董北苑始。是以神勝
也。至于勝國間諸名家。專務神已。其可以無
似。而不失前人之工于似者。惟趙孟頫。次則
有錢選。寫生差近之。則皆吳興人。顧吳興好
事家。所藏皆贗本。吾友沈季和以錢選荷花。

表示余乍既不覺佳。久既乃佳。信非贗者所能及。卷留吾別堂者。經月。時覺清芬襲人。春忽有而忽無者。其花神耶。抑畫中神耶。吳夢賜跋。鈐印二。五湖長。吳夢賜印。

鑒藏寶璽

七璽金

淳化軒。淳化軒圖書珍秘寶。乾隆

宸翰。信天主人。乾隆鑒賞。古希天子。壽五福五代堂古稀天子寶。八徵耄念之寶。

收傳印記。李和沈氏家藏珍玩。蒼巖子。梁清標玉立氏印章。秋碧。巽垣之章。蕉林書屋。伯鸞後人。蕉林。蕉林梁氏書畫之印。長口口書。

生崇村蕉林居士。崇村審定蒼巖子。冶溪漁隱。

謹按。劉紹。字子憲。江西新城人。洪武中。官翰林應奉。周昉。字元亮。號草庭。元末杭州人。著西岭稿。謝肅。字元功。上虞人。洪武中。福建按察司僉事。學與唐肅齊名。號會稽二肅。吳夢瑤。字允兆。歸安人。著射堂詩鈔。

宋人畫盆蘭 一軸

本幅素綾本。縱三尺二寸三分。橫一尺五寸。
設色雙鉤畫磁盎中蕙蘭一叢。旁立石。無名
款。

御題行書

千葉各依根。百花不逞色。淨業乃其芬。淡懷乃
其德。作者弗著名。是道非語默。不盡意已示。來遊
衆香國。己卯秋御題。鈐寶二。乾隆。

鑒藏寶璽

七璽全

淳化軒淳化軒圖書珍秘寶乾隆

宸翰信天主人

牧傳印記墨池飛口口華

宋人畫水仙

一軸

本幅絹本。縱二尺六寸四分。橫一尺四寸九分。設色畫。堯石凌空。水仙叢生石側。

御題行書

琢玉相金態。出塵絕代仙。王孫如解珮。合是洛川邊。雪裏目盈潤。風前鼻過翻。漫嗤工刻削。無縫本天衣。己卯春月。御題。鈴寶二。幾暇怡情。得佳趣。

鑒藏寶璽

七璽

淳化軒淳化軒圖書珍秘寶乾隆

宸翰信天主人

收傳印記

中立不倚六止居士子孫保之

趙孟頫臨王羲之帖 一冊

本幅宋牋本。十四對幅。每幅縱九寸二分。橫一尺五寸。草書臨王羲之帖四十二段。奄至此禍。情願不遂。緬然永絕。痛之深至。情不能已。況汝豈可勝任。奈何奈何。無由敘哀悲酸。日月如馳。嬖棄育再周。去月穆松大祥奉瞻廓然。永惟悲摧。情如切割。汝亦增慕。省疏酸感。省別具足。下小大問為慰。多分張。

念足下懸情武昌。諸子亦多遠宦。足下魚懷。
並數問。不老婦頃疾篤。救命恒憂慮。餘粗平
安。知足下情至。旦夕都邑。動靜清和。想足
下使還。具時州將桓公告慰。情企足下數使
命也。謝無奕外任。數書問。無他。仁祖日往。言
尋悲酸。如何可言。諸從並數有問。粗平安。
唯修載在遠。音問不數。懸情。司州疾篤。不果
西。公私可恨。足下所云。皆盡事勢。吾無間然。

諸問想足下別具不復一一。此諸賢粗可。
時見省。甚為簡濶。遠頃異多小患。而吾疾篤。
不得數為歎耳。宰相安和。殷生無恙。時面
兄。當宣兄懷。噉豆鼠傷如佳。今送能噉不。
得足下梅。胡胡桃藥二種。知足下至戎鹽。
乃要也。是服食所須。知足下謂須服食。方回
近之。未許吾此志。知我者希。此有成言。無緣
見卿。以當一笑。秋中感懷。異雨冷。足下各

可耳。胛風遂欲成患。甚憂之。力知問王羲之
頓首。吾有七兒一女。皆同生。婚娶以畢。唯
一小者尚未婚耳。過此一婚。便得至彼。今內
外孫有十六人。足慰目前。足下情至委曲。故
具示。省足下別疏。具彼王山川諸奇。楊雄
蜀都。左太沖三都。殊為不備。患彼故為多奇。
益令其遊目意足也。可得果。當告卿求迎。少
人足耳。至時示意。遲此期。真以日為歲。想足

下鎮彼土。未有動理耳。要欲及卿在彼。登汶
領峨眉。著而旋。實不朽之盛事。但言此。心已馳
於彼矣。云譙周有孫。高尚不出。今不令人
依依足下。具示嚴君平。司馬相如。楊子雲。皆
有後不。知足下散勢小差。此慰無以為喻。
云氣力故爾。復以悵悵。想散患得差。餘當以
漸消息耳。吾頃無一日佳。衰老之弊。日至。
夏不得有所耽。而猶有勞務。甚劣劣。昨得

熙廿六日書云。患氣懸情。知足下連不快。
何爾耿耿。善將適。吾積羸困。而下積日不斷。
情慮尚深。殊乏自力。不能悉。小佳。更致問。
一一。適修載書平安。義之白。奉告慰反側。
伏想比安和。伯熊過見之。悲酸大都可耳。惟
垂心義之平平。一日白以具。義之白。送此
鯉魚。征與敬耶。不在不。乃邑邑不。月半。哀
悼魚至。奈何奈何。得告承復下。懸耿至具。願

不具。王羲之再拜。今遣鄉里人往。口具也。
廿二日。羲之報。近得書。即日又得永興書。
甚慰。想在道可耳。吾疾故爾。沈滯憂悴。解日
面近。不具。羲之報。四月廿三日。羲之頓首。
昨書不悉。君可不腫。劇憂之力。遣不具。旦
極寒。得示承夫人復小款。不善得眠。助反側。
想小爾復進何藥。念足下猶悚息。卿可不。吾
昨暮復大吐。小噉物便爾。旦來可耳。知足下

念王羲之頓首。卿與虞休意書有所問。足
下旨為致誠。答令旨意。致來勿忘。此意自決。
今以資嚴。知小大疾患。念勞心。四月五日
羲之報。建安靈樞至。慈蔭幽絕。垂卅年。永惟
慕。痛澈五內。永酷奈何。無由言苦。臨紙摧哽。
羲之報。吾昨得一日一起。腹中極調適。無
所為憂。但顧情不可言耳。侍中書。書徐侯
遂危篤。恐無復與。深令人反側。敬豫乃成。

委頓。令人深憂。適都十五日間。清和為慰。復得南後問。不想二庾達王之始。與奴長就。令人邑邑。想無所至耳。還具示問。追尋傷悼。但有痛心。當奈何奈何。得告慰之。吾昨頻哀感。便欲不自勝舉。旦復服散行之。益頓乏。推理皆如足下所誨。然吾老矣。餘願未盡。唯在子輩耳。一旦哭之垂盡之年。將無復理。此當何益。冀小却漸消散耳。省卿書。但有酸塞。

足下念顧言散所豁多也。王羲之頓首。不
得臨川問。懸心不可言。子嵩之子來。數有使
翼因得問。示之。得表二謝書。具為慰。表生
暫至都。已還未。此生至到之懷。吾所也。想
小大皆佳。知賓猶爾。耿耿想得。夏節佳也。念
君勞心。賢姊大都轉差。然故有時。嘔食不已。
至足言年衰疾久。亦未可倉卒。大都轉差為
慰。以大近不復服散。常將沙厘也。此藥為益。

如君告 適太常司州領軍諸人廿五六書。
皆佳。司州以為平復此慶慶可言。餘親親皆
佳。大奴以還吳也。與或見之。司州供給寥
落。去無期也。不果者。公私之望無理。或復是
福。得大等書慰心。今因書也。野數言疏平安。
定太宰中郎。近因得里人書。想至知故面
腫耿耿。今差不吾比。日食意如差。而脾中故
不差。以此為至患。至不可勞力。數字令弟知。

問耳。想弟必有過理得暫寫懷。若此不果
復斯欲難。真臨書多歎。吾不復堪事。比成此
書便大頓。廿日義之頓首。節日感嘆。深念
君增傷。灾雨君可也。遣重熙書如此。果爾
乃甚可憂。張平不立勢向河南者。不知諸侯
何以當之。熙表故未出。不說說荀侯疾患。想
當轉佳耳。若熙得勉此一役。當可言。淺見實
不見。今時兵任可處理。二謝在此。近終日

不同同此歎恨。不得方回。知棄後閣。今人但
怛。每段鈴印一趙子印氏。

後副葉

御識行書

子昂直入山陰之室。故能得其神髓。豈他人所
能夢見。款識有無。又何足計乎。鈴寶二。幾暇
怡情。得佳趣。附董其昌張照題跋。

趙吳興能背臨十三家書。無毫髮不似真。此
臨右軍尤有風骨。欲度騁騁前矣。意此公當

有臨閣帖全帙。不知流落何處。且玆此以俟其合可也。董其昌題。

此書在吳興平生書。國是第一合作。特恐吳興或尚未能耳。若非吳興書。斷非吳興下手所作。市賣恐無數識起人疑。乃偽作香光跋以實之。鈍置不少。得天居士鈐印云。照得夫。

題籤淳化閣帖

王右軍書。趙承旨摹。鈐印二。韓逢禧印。

司寇大夫

裝冊本

鑒藏寶璽

七璽全

淳化軒。淳化軒圖書珍秘寶。乾隆

宸翰。信天主人。古希天子。五福五代堂寶。八徵

耄念之寶。

收傳印記子守印韓印印



趙孟頫尺牘 一冊

〔本幅〕宋紙本行書

第一。縱八寸。橫一尺六寸。孟頫頓首再拜
上記。廉訪相公義齋。吾兄閣下。孟頫塊處山
中。無繇以時上記。唯有瞻望使星之光。以致
仰止之誠而已。即日春和。伏計動履。勝常。長
兄孟頫。蒙恩分教長沙。日依照臨。六十之年。
遠役數千里之外。敢望以不肖托愛之久。特

拜鈴印一趙孟頫印

廣東道肅政廉訪使。孟頫。孟頫長兄也。

第二。縱八寸八分。橫一尺四寸。

子陽總管相公仁弟足下。孟頫歸來家事極

擾未能奉狀。善甫來得書。知雅候安勝。即尉。

承索惡書一一寫付善甫送上殊不能佳也

椒糖之惠領次感激草草具答時中唯自愛

不宣孟頫再拜八月八日鈐封記事奉復子

趙孟頫謹封鈐印一趙孟頫印

謹按子陽朱旭字為中顯校尉海道千戶見
太倉州志善甫杜守智字孟頫為作杜氏先
瑩碑見松雪集

第三縱六寸四分橫一尺二寸五分 孟頫

記事再拜子陽總管友愛閣下近承遣令郎

過此意何可得即日伏惟履候勝常孟頫恃
愛有稟往年子陽苦瘰癧近得竒方而愈輒
欲求此方望錄以見教乃大幸也專此奉聞
不宣孟頫啓事再拜

封

鈐封記事再拜子陽總
管友愛閣下趙孟頫謹

第四縱九寸三分橫一尺五寸孟頫記事
頓首再拜次山總管仁弟坐右孟頫聞履候
之祥深以慰喜甚欲一往拜謁而動身極難

事與願違。唯有翹企而已。松雪齋墨二笏。楊
日新筆廿枝。聊侑空書。不直一笑。未承殷問。
唯冀厚自愛。不宣。二月十二日。孟頫頫首再

拜。

鈐封。次山總管仁弟閣
下。趙孟頫謹封。五字。

第五。縱八寸六分。橫一尺三寸七分。孟頫

頓首書致明仲進士賢親兩承惠問。極蒙愛
念之至。奉旨西行。計得一面。不意又以公事
紛紛。限期甚迫。不及到彼。深為悵快。隨得第

二書已知亦榮出他郡。此心始安。近作得小
畫並詩。草草寄上。未足酬雅意。亦稍慰相思
之情耳。相會未由。順時珍重。不備不備。孟頫
再拜。令弟明遠就此上覆。不更書。鈐印一趙
子印氏。

第六縱八寸三分。橫九寸二分。孟頫旬日
來苦寒。欲往見而不可得。伏想體候勝常。
承索吳縣。所餘無幾。所以遲遲至今。僅有十

難納上切告恕其菲瀆至幸至幸孟頫再拜
鈐印一趙孟頫印

第七縱九寸三分橫一尺三寸三分孟頫

書致八弟提舉相公坐右便中得書並倭伏
令倭令大是服食所須知弟至意兄所苦腫
猶未減似非脚氣但小水少利耳杭州有新
到桃花海水團地名須江頭煮團買始得又須是屠君瑞家翼為
買五兩寄來千文草法如何有未然處報來

乃佳。孟頫書致閏月十六日。

鈐封。家書致八弟提舉相公坐

右。趙孟頫封。鈐印一。趙

子昂印。十五字及印。缺。

謹按松雪集載其父與告計表子八。孟頫。孟班。孟頫。孟頫。孟頫。孟頫。此云八弟。乃孟頫。至治間任福州路古田尹。歷官提舉。

第八裁裝兩幅。一幅縱九寸三分。橫一尺二

分。二幅縱同前。橫八寸二分。父書致二哥

吾兒。吾兒去後。見風大作。極為懸心。既而得

航使中書云。順風。詰旦已至杭。殊用慰喜。繼

入得書。知己見平章甚好。想是見後歡喜。初八日進之。都遣之璋來此。與我做生日。帶將所染羅衣。與吾兒差池。今專令小唐前去。再將所染物去。須早銷金。恐送日近了。李晉卿自長興回。都無甚話。但田不及數。云有一百畝。李晉卿又待再去說話。或問要些好山。亦可。我尋思。且只了却親事。財物亦不必論。但得新婦來。管當家事。復何所覲。我生日。本不

做緣府中官人每送物來並不可辭。不免做飯待了。所費亦不多。却留得四個北羊在此。二肥二瘦。和舜卿初九日來送得大羊來。又有段子孤矢已送還了。可知之。見在此等你歸來相見。家裏都無恙。不具其餘。小唐能言也。十二日父巨書付二哥吾兒。

鈴封。安書付二哥舍人吾

兒。父巨封。鈴印。一趙子印氏。

後副葉項元汴編號

元趙文敏公孟頫手簡八帖。明墨林項元汴真賞府字號。鈐印二。子京墨林秘玩。第一幅。亦有府字號三字。與此同。

題籤

御筆。趙孟頫尺牘。鈐寶一。乾隆御筆。

鑒藏寶璽

七璽金

淳化軒。淳化軒圖書珍祕寶。信天

主人。乾隆宸翰。古希天子。五福五代堂寶。壽八

徵耄念之寶。

收傳印記。董光裕印。欣遇子京墨林山人項

元汴印。項墨林鑒賞章。樵李項氏士家寶玩。
項墨林父秘笈之印。子孫世昌退密。墨林秘
玩。項子京家珍藏。寄傲子京所藏。子孫永保。
平生真賞。天籟閣。墨林子。項叔子。若水軒。虛
朗齋。神品子京父印。樵李。淨因庵主。宮保世
家。蒼岩子。蕉林鑒定。河北棠村。梁清標印。蕉
林。玉立氏圖書。鵬沖。

謹按此八札俱刻入
三希堂法帖。

趙孟頫尺牘六帖 一冊

〔本幅〕素牋本。行書。第一兩幅。縱九寸。橫一尺一寸。孟頫頌首。德俊茂才友愛足下。昨便中承惠書。兼寄瑪瑙界尺。并紙卷。欲書金丹四百字。當時寫畢。附便寄還矣。今茲便中得書。乃云未至。殊以為駭。但失記何人寄去。昏忘憶不得。殊以慙愧。若旦夕思想得。是何人。當報去。追取。或記憶不起。當別寫一卷奉。

納也。不肖不幸書頗好。凡寄書與人多是為
寄書者所匿。甚苦甚苦。機笠之惠。極似厚意。
感激無喻。因吳宣使便。專此奉答。時中善保。
不見。孟頫記事頫首。五月十七日。鈐印一

趙子印氏

鈐封。德俊茂才友愛足下。記事奉復。松江夏七提領宅。問五官人投

上。趙孟頫就封。

第二兩幅。縱七寸五分。橫七寸六

分。孟頫頫首進之足下。連日不得書。乍涼。

計惟雅候清勝。當時遣舍姪去。本欲令其諸

處投抹子。不謂其滯留不歸。並無分曉回報。
近聞塘門姪女自平江來。約在中旬必到。望
進之遣舍姪速歸為妙。恐路上相差。不作舍姪
書也。官人身起安樂。聞將北去。不審果否。望
與一初商量。不肖當在幾日到杭面謝。冀賜
報。右丞處不知曾說得透否。望再託王成之
轉浼趙公於右丞處說如何。阜斜皮靴若已
辦。乞令萬八送至為感。孟頫頓首。萬八來時望

於養齋處購來復得蘇合重九各數貼。陳居士消風散數貼。轉望王成之於沈鑄處討漢壺。葉蘭坡處討琴。第三一幅縱七寸八分橫一尺三寸。孟頫再拜次山總管仁弟足下。別來倏已二載。日坐擾擾。不得奉書。伏想履候清佳。不肖竊祿於此。欲歸而未可得。此心殊摇摇也。因十哥還。冗中援筆具字。極草草。餘惟善護。老妻致意。閤政夫人不宣。正月。

十九日。孟頫再拜。

鈐封記事。再拜次山總管。仁弟足下。皮帽一枚同往。

孟頫謹封。鈐印。

第四。一幅。縱七寸五分。橫

九寸。

孟頫頓首。明遠提舉賢弟。達觀來。得

所惠書。承惠竹。甚濟所乏。知感知感。香爐既

不可得。且當置之。草草數字。具復。未既欲言。

不宣。三月八日。孟頫上覆。第五。一幅。縱八

寸八分。橫九寸八分。昨日甚望足下過此。

而竟不來。何耶。二物共作廿五定。若可。冀取

至為荷。專遣馬去奉屈。望枉顧。專等專等。孟
頌再拜。子才協律仁友足下。鈐印。趙孟頌
印。第六一幅。縱八寸二分。橫一尺二寸五
分。孟頌頓首再拜。靜心相幹。心契足下。孟
頌徑率有白。今遣小計去。望收留之。切告勿
令此間覺可也。專此數字。惟加察。不宣。孟頌
頓首再拜。

鈐封記事。頓首再拜。靜心相幹。足下。趙孟頌拜封。鈐印。趙孟頌印。

御題行書

松雪尺牘信手為之皆得二王妙趣知其辨香
所自矣。鈴寶二會心不遠德充符。第六帖
幅內。

鑒藏寶璽

七璽

淳化軒淳化軒圖書珍秘寶乾隆

宸翰信天主人古希天子五福五代堂寶壽八
徵耄念之寶。

收傳印記子京帝陶唐之苗裔携李項氏世

家子孫寶玩之印項元汴印子孫永保項子


京家珍藏心賞會心處項墨林鑒賞章德達

之章神品墨林秘玩子孫世昌橋李項氏士
家寶玩退密子京父印項墨林氏秘笈之印
墨林子墨林子京所藏墨林山人天籟閣平
生真賞項廷謨印德達德達之章纖草蔭長
松項廷敷印口林麓臺珍藏棠村河北棠邨
沮溺之儔祖洲張羽鈞口遇花口高緝睿印
愚谷氏一字堯臣號鏡庭寄傲秋碧蕉林鑑
定梁雖之印吳國用印心賞印又半印不可

辨□□印半向彤父瑩之印半又二印不可辨

鳳冲欣遇

謹按此六札俱刻入
三希堂法帖



趙孟頫人騎圖 一卷

本幅宋牋本。縱九寸四分。橫一尺六寸。設色
畫一人唐裝乘駿馬。緩轡垂鞭。卷首標題人
騎圖。鈐印一。松雪齋款。元貞丙申歲作。子昂
鈐印二。趙子昂氏澄懷觀道。自題。畫固難。識
畫尤難。吾好馬。蓋得之於天。故頗盡其能事。
若此圖。自謂不愧唐人。世有識者。許渠具眼。
大德己亥。子昂重題。鈐印一。趙子昂氏。

御題行書

神駿固難識。識矣貴善御。松雪間作圖。正警予
懷處。乾隆辛未御題。鈐寶一。乾隆宸翰。

引首

御筆。得深穩意。鈐寶一。乾隆御筆。

後隔水孟頫自題

吾自小年便愛畫馬。爾來得見韓幹真跡。三
卷。乃始得其意云。予昂題鈐印一。水晶宮道人。

後幅前人題跋

當今子昂畫馬真得馬之性。雖伯時復生，不能過也。孟頫題鈴印一。趙子昂氏。此人騎國最為佳製。乃子昂得意筆也。每一展卷，不能去手。故重題以識之。大德三年三月八日，子俊書。鈴印同前。烏帽朱衣玉束帶。為鞭飛鞚五陵豪。仙翁妙得三花趣。神品何人可並高。由辰拜手說題鈴印一。趙明仲氏。吾觀少陵詩題馬多瑰詞。一時絕藝許曹霸。韓生肉馬真徒為。吳興山水國。畫手皆清奇。老仙落筆妙天下。胸中原有神俊姿。想當寫此日。筆與神俱馳。四蹄高削玉。雙目森立雋。摩娑五花起。熱視颯颯疑有長風吹。奚官穩結束。紫面虬髯鬚。青絲絡頭手自投。李唐文

物猶在茲。此畫寧復得好事。事宜實之世間。德
驥有如是。願展材力。當明時。蜀宇文公諒。鈴

印一。子貞。

五花神駿。出天閤。黑幘髯美。穩跨鞍。試使揚

鞭。輕一蹴。日馳千里。諒非難。張世昌。鈴印二

張安國氏約齋。

松雪齊中老仙伯。翰墨特為天下奇。項憲日
暖。起雲霧。產此渥洼神。俊姿倪淵。鈴印一。仲

深。

曹韓不可作。畫馬徒紛紛。龍眠誇獨步。魏公

繼清芬。昂昂八尺龍。應是逸景孫。澗步隘九

區。駿氣凌青雲。未奉瑤池駕。已空冀北羣。奚

官久調伏。緩轡不動塵。人馬兩相得。爛熳見

天真。鵞胎飽芻豆。騏驎甘隱淪。豈惟馬難逢

能畫數何人。果知畫中趣。伯樂之前身。陳潤

祖。鈴印二。陳潤祖印。陳正德氏。

食之三品。芻豆。飾以千金。璽環。誰能解弄。藏經。銀漢。河渭中間。無名款。

右人騎圖。先人真蹟。兼重題其後。今已不可多得。宜寶藏之。雍謹書。鈐印一。趙雍。

先人所作人騎圖。真蹟已不可得矣。奕百拜敬觀之餘。唯增愴然。藏者宜寶之。奕拜書。鈐印一。趙奕。

至正廿六年歲丙午春三月十又一日。拜觀

於姑蘇寓居。麟謹識。鈐印一。趙麟私印。

垂鞭不動。繼然輕想。見晴原漠漠。平追憶當

時。老松雪坐。看神駿眼增明。願負鈐印一。長

沙何願負父。

長沙落雪。畫眠餘意。到寫成人騎圖。風鬣霜蹄。看欲動。長安借得看花無。延陵吳興。鈐印

一。吳興叔興父。

韓幹已休。曹霸遠。誰云松雪似龍眠。世間伯

樂不常有。展卷令人一惘然。幻住珂月。鈴印
二千江波羅蜜室。

題趙文敏公人騎圖。魏公文采真天人。平生
愛馬。寫馬真。請觀此馬是真馬。意態踴騰如
有神。渥注龍種合變化。孫陽一見論高價。雄
姿颯爽世所無。奚官騎出材俱下。昔聞八駿
馳八荒。遠飲瑤水竭桃香。大明天子乃虞舜。
豈是當時周穆王。天閑日範庸何傷。永嘉僧
文信。鈴印三。信。道元印。雪山道人。
寶轡青絲碧玉環。奚官烏帽赭羅襦。渥注腰
褭厓汗血。大宛騏驎生羽翰。千里風塵飛赤
電。五花雲彩散雕鞍。當時曾獻唐天子。今日
人間作畫看。也先溥化。鈴印一。西吳
老仙畫馬真絕特。頃刻下筆飛龍出。畫成自
謂得于天。世無具眼誰能識。似嫌文綉掩天
真。盡去錦繡。玉勒朱衣奚官白。馱生。後轡

徐行意閑遠。展圖使我吁。且驚朽骨千金古。
猶聞曹解伯時未擬道。況是仙翁得意筆。臨
風振鬣一長鳴。瑤池路斷無行跡。眉山程邵
鈴印二眉程邵印。晉輔父。
曹韓絕藝今誰數。老杜天才孰與宗。紙上空
餘形影在一齋。情雪鎖寒松。龍泉朱景淵。鈴
印一式顏。

題簽

御筆

趙孟頫人騎圖

神品天府珍藏

鈴寶一。乾隆宸

翰。

鑒藏寶璽

全璽

淳化軒。淳化軒圖書珍祕寶。乾隆

宸翰信天主。人古希天子。五福五代堂。古稀天子寶。壽八徵耄念之寶。

收傳印記。趙氏明大明錫山桂坡安國民太
氏書畫印。博雅堂寶玩印。明安國玩大明安
國鑒定真蹟。蘧廬墨林山人項子京家珍藏。
宮保世家平生真賞。墨林父墨林項叔子章。
子孫永保。項墨林鑒賞章。天籟閣神品。墨林
主人。高長二字。此子京所藏。桃里項墨林父

秘笈之印。退密。項元汴印。子京父印。墨林秘
玩。子孫世昌。項元汴氏審定真蹟。墨林隱居
放言。墨林外史。桃花源裏人家。江山清思。大
雅印。寄傲。項叔子。攜李。項氏士家寶玩。子京
神游心賞。墨林硯癖。子京珍藏。虛朗齋。考古
正令。若水軒。田疇耕耨。攜李。香巖居士。王時
敏印。烟客。西田王遜之。書畫記。遜之。清益軒
書畫章。臣挾。溱儒鑒藏。誠畏齋。王挾之印。額

卷

謹按是蹟孟順弟孟額。及從子由辰。其子雍
夾。縣麟。皆題後趙氏三世翰墨具在。為可貴
也。字文公諒。吳興人。至順四年進士。官江浙
儒學提舉。元史有傳。倪淵。烏程人。延祐初用
薦授當塗縣主簿。程鄂。元時官江山縣尹。入
浙江名宦。文信。字道元。永嘉人。住石湖寶華
禪寺。

元高克恭山村圖

一卷

本幅宋牋本。縱八寸七分，橫三尺三寸。潑墨畫雨山烟樹，麓抱孤村，無名款。趙孟頫題：「敬所作山水，真杜子美所謂『元氣淋漓者耶』。仁近得之，可為平生壯觀也。孟頫鈴印一。」趙子印氏。

御題行書。

尚書醉筆寫雲山。雲氣模糊山疊繁，安得癡龍

乘此勢崇朝作雨徧人間。己卯夏五御題鈴
寶二。乾隆。

一輪碧宇迴高閒。明晦分於向背間。米鵲突圖
微著相。別開生面法房山。書夜遊山月詩竟。
幀尾倣此圖。而畧分向背明晦。頗多神合。既脫
藁題句。並書此卷中。以誌數曲。壬寅新秋山
莊御識。鈴寶二。古希天子。猶日孜孜。
此圖標題山村。實是夜景。雖未繪月。亦豈必刻

劍霞標處再識鈴寶一。古希天子。後接紙前大

題跋

大德初元九月十九日。清河張淵甫貳車會
高彦敬御史於泉月精舍。酒半為予作山村
隱居圖。頃刻而成。元氣淋漓。天真爛漫。脫去
畫工筆墨畦町。予方棲遲塵土。無山可耕。展
玩此圖。為之悵然而已。南陽仇遠仁近我家
仇山陽。昔有數椽屋。誤落城市間。讀書學干
祿。井枯灶烟絕。況復問松菊。如此五十年。一
出不可復。高侯邱壑習。知我志幽獨。為寫隱
居圖。寒溪入空谷。蒼石雁危構。白雲養為春。
向來仇池夢。歷歷在我目。何哉草堂賓。政爾
飯不足。視吾吾尚存。吾居有時卜。鈴印一。山
村樵舍。

我昔游七閩。百嶺爭截業。白雲漲川原。深谷如積雪。又游天姥峯。幽磴緣曲折。長林翳寒日。十里行落葉。轉頭五十年。遐想正愁絕。開國意忽動。憺然生內熱。何當架松房。不我翠一壘。弁陽吾所廬。兄謂山水穴。漂零愧楸枰。歲月老薇蕨。平生既遙集。足痺屐齒折。何年賦歸由。初志遂所悞。懷哉復懷哉。清夢繞林樾。弁陽老人周密。鈴印二。周密章。周公謹父。南陽先生列仙癯。舊住仇山雲一隅。平生廣文官。既冷投老故村田。已無惟留詩卷在天地。清名正似孤山逋。我時總角山之徒。每操几杖從宴娛。百年宜獨前輩盡。而我今亦形容枯。棲霞嶺空悲拱木。泉月菴廢愁寒蕪。忽披遺墨重再拜。想見五老風流俱。人生有情況多感。坐念往昔歎欲濡。白鷗浩蕩不復返。黃鵠一舉安能呼。高傑華力何所如。前身未

方老於菟。故能習次吐岩壑。但怪滿紙風烟。
竊安得好手為一摹。著我中間茅屋孫。君其
實之勿輕出。便是米家蕩倒圖。右山村圖卷
故尚書高克恭。彥敬為御史時。為仇先生作
於泉月精舍。精舍乃故宋漳州僉判張達原
淵甫之墳庵。淵甫即句曲外史伯雨之大父
也。先生一為涇陽教授。即不仕。仇山在餘杭
溪山。因號山村。民接霞嶺。在西湖北山。先生
墓焉。弁陽則草窓周公謹之別號。弁山在武
康溪上。先生有師也。大德初元。年甫十有一。
常從先生出入諸公間。今逾再世矣。景寧尚
書得此卷以屬題。楊年逆之既遠。感事物之
非昔。怡然於懷。以序卷末。庶幾覽者知四三
君子之默之可徵也。至正昭陽赤奮若夏五
之望。河東張翥謹書於京師所寓虛游軒。鈴
印二。蛻岩。張仲舉氏。

古燕尚書山澤壘風采照耀南天隅。平生畫
羊入神品。千金匹鍊人間無。當時求者徧都
邑。冠蓋填閭如索逋。仇池先生列仙徒。握手
一見相歡娛。醉磨濃墨寫邱壑。老樹幻作蛟
龍枯。西湖北山莽空濶。滄烟白鳥迷秋蕪。披
圖感物念疇昔。乾坤孰與斯人俱。弁陽讀書
仍傳古。後來膏馥多沾濡。蛻庵虛游老京國。
我冠不受山人呼。詩窮半世替赫赫。西馳白
霄東元菟。吳興舊是宋宗室。奚以丹墨論精
儼。嗟哉諸公勿復作。清賞未覺雲泉歎。豈無
好事掃空翠。為我添入廬山圖。右高尚書所
畫山村圖卷。蛻庵張冰旨題識甚詳。崆峒外
史王溥得之。搗以見示。慟傷先輩凋謝。不能
無感。今懷昔之私。蛻庵子故人也。遂次其韻
附於卷末。不足言詩。聊記歲月云耳。洪武丙
辰長至後五日。豫章蒲廣來復題。鈴印三翠。

竹黃華沙門來復見心。
右高文簡公畫趙文敏公題識仇山村周草
窓詩皆絕無而僅有者河東張承旨嘗為賦
詩吾友蒲庵復和之。余欲效顰。老病未能也。
姑書此以識吾甥金華宋景瀛題鈴印二。王堂
學士之印。金華宋氏景瀛。

引首

御筆 夜氣渾然 鈴印一 乾隆御筆

前隔水

御題

此卷凡三做而無一似。蓋簡淡中有細密。正古

人難及處也。知過堂再識鈴寶。云古稀天子之寶。猶日孜孜。

後幅前人題跋

仇山有遺老。白首慕林屋。塵途謝簪組。雅志不為祿。誰將西湖水。去灌南陽菊。舊藏房山圖。幽意時往復。人皆愛豪素。此興渠所獨。新聲世亦少。遺響在空谷。蕭條異代間。不獨悲草木。嗟子亦何心。對此還駐目。平生不識畫。賞此一詩足。前山幸吾隣。老矣願終卜。舜臣殿講藏山水圖。云高尚書所為仇山村作者。仇詩在焉。子愛而和之。子嘗為舜臣題畫。有與子坐結束西隣之句。不一年。果協隣卜。殆亦非偶然者。故於此詩所致意云。成化乙巳。

春三月既望。翰林侍講學士。長沙李東陽書
於懷麓堂。鈐印三。長沙李東陽印。西溪。
雲氣濛濛繞澗浮。眼明誰辨數峯頭。深林
屋依然見。應是前村兩脚收。村居隱隱却通
舟。中有山人舊姓仇。二百年來遺墨在。令人
斜作武林游。元仇仁近先生自號山村高房
山尚書。因為作此圖。今吾僚友尹君舜臣得
之以示予。為題其後而識之。歲癸卯七月廿
二日。長洲吳寬書。鈐印二。吳寬原博。
春山擁春雲。蔚然失茅屋。下有幽貞士。冥心
謝榮祿。卓哉淵明志。夫豈在萊菊。李愿盤中
居。居深紛而復。亦有杜陵翁。長鏡刷黃獨。豈
無終南徑。不博王官谷。仇山在何許。村居迷
灌木。乃今十載下。開圖見天目。青山卧有餘。
白雲看不足。願言往從之。不疑我何卜。仇
仁近名遠。錢塘人。前元老儒也。號山村居士。

高尚書為作山村隱居圖。仁近自題其後。頗示不遠隱居之意。然易世之後。此圖遂傳為故事。則亦何恨哉。自大德初元丁酉。抵今嘉靖壬寅。二百四十五年矣。企仰雅懷。因連次其韻。長洲文徵明鈴印二徵明印悟言室印。

題籤

御筆。元高克恭山村圖。神品。鈴寶一。乾隆宸翰。

鑒藏寶璽

七璽

淳化軒。乾隆宸翰。信天主人。淳化

軒圖書。珎秘寶。古希天子壽。八徵耄念之寶。合

味經籍。烟雲舒卷。陶冶賴詩篇。

收傳印記。蕉林梁氏書畫之印。家在北澶。蕉林書屋。棠村審定。河北棠村。安定子孫世保。治溪漁隱。蕉林游心於物之初。

謹按。清河書畫舫作山村隱居圖。所載題詠俱同。亦見書畫彙考。宋復字見心。豐城人。姓黃氏。洪武中以高僧召見。授左覺義。詔住鳳陽槎茅山圓通院。



高克恭畫山水

一軸

本幅絹本。縱五尺。橫二尺三寸六分。淡墨畫
堯峯老樹。雲瀑村居。款克恭為友雲作。鈐印
一。房山高氏。

御題行書。

雲容疑吐燄。雨意欲垂空。高樹潤如滴。孤峯勢
獨雄。許渾句已契。米芾法真同。詎是珍希見。偏
欣氣韻充。戊子夏月。御題。鈐寶二。乾隆。

鑒藏寶璽

大璽金

五福五代堂古稀天子寶

收傳印記錢惟善印。沈君南氏又半印不可

辨。

謹按友雲乃吳雲號宜興人仕元為翰林待制

高克恭畫山水 一軸

本幅宋牋本。縱一尺八寸。橫一尺一寸五分。
潑墨畫村落雨景。自題晦朔雨連天。幽人只
坐眠。工詩雖綴錦。當不世間錢克恭。鈴印一。

高房山氏

御題行書

山色將雲態。若無若有中。神傳吳白下。津逮米
南宮。低樹村連暗。迴蹊路轉通。卜居定誰氏。仿

佛是韓忠。丁丑春日。御題鈴寶二得佳趣。幾暇怡情。

玉池

御筆。妙合天趣。鈴寶一。乾隆宸翰。

鑒藏寶璽

七璽全

淳化軒。乾隆宸翰。信天主人古希。

天子。淳化軒圖書珍秘寶。八徵耄念之寶。

收傳印記。陸師道印。李嵩之印。鄉林鑒藏。

陳仲仁倣古花果 一冊

本幅素箋本十二對幅每幅縱一尺七分橫八寸九分設色畫花果十二種各題句八分書

一松房自題雨露滋培生氣足居然結子毓

靈茲試看他日凌雲秀應作明堂梁棟材二

杜鵑花自題蜀魄題殘血未乾名花猶染舊

痕丹世人空訝朱顏好愁寂春風十二欄三

山礬自題一樹繁花麗艷陽素安瑣瑣自含

香。金鶯未向枝頭轉。蜂蝶何勞著意忙。四牛
心柿。自題。昨夜金風正蕭颯。霜侵林末綴丹
楓。幾多嘉樹垂瓊果。朱實累累夕照中。五金
絲梅。自題。扶蘇嫩綠綴深黃。並蒂連枝葉底
藏。弱態臨風倍婀娜。柔姿浥露自含芳。六映
山紅。自題。林深霧暗曉光遲。爛熳山花開及
時。應是陽春原有脚。故教空谷有芳姿。七無
花果。自題。芳園幾許穠桃李。一種含英猶未

開。分薔薇。自題。洛陽三月春光麗。百種芳菲
各擅妍。更有嬌姿堪悅目。迎風含笑小庭前。
九女貞子。自題。顆顆圓勻似火珠。燦然灼爍
雪晴時。幾回瞥見疑紅豆。剪燭窗前得句遲。
十。迎春。自題。小草繁花雨後鮮。嫩黃楚楚綴
金鈿。嬌紅艷紫芳菲歇。賸有幽葩別樣妍。十
。清風籐。自題。白玉幽葩向晝開。等閒桃李
莫相猜。漫言香色無殊品。也是春風著意栽。

十二海棠自題嫩綠婆娑觀淺紅好呈嬌靨
倚東風青皇願許常為主莫使芳魂類轉蓬
每幅款仲仁末幅款元貞三年春日擬

二冊於安定書院之道山齋陳仲仁各鈐安
定書院畫記印對幅。

御筆分題行書

松房貯子蜂房似百尺根原萌寸莢詎止棟隆
資大廈調羹也入食單材望帝春啼未易乾

民心猶可識猶丹。不宜移向花園內。漫共羣芳
艷井欄。黃龍春色艷山陽。花處風傳七里香。
何事分寧黃魯直。先時批判弟兄忙。園林霜
染家丞實。葉不為楓果是楓。比似牛心噉逸少。
應教周顗墮疑中。梅寧知白與知黃。三品何
須誨善藏。設使移根大庾嶺。冰姿應亦為韞芳。
記得風篁跋馬遲。滿山紅暎爛開時。評量未
若新茶好。好在清供不在姿。磊磊黃金結果

熟枝頭曾不見花開。因緣欲示原無本。根是菴
羅園徙來。薔薇花上薔薇露。滴露寫花花更
妍。却是韓詩寄柳子。開函灌手事居前。夏五
開花冬子熟。滿枝火齊綴成時。鄭家婚禮因為
贅。朱氏詩箋誤悠遲。裳裳孌孌亞枝鮮。荀葉

盛金稱寶釵。迎得春光偏屬爾。桃紅李白任爭
妍。玉花瑣瑣繞枝開。未惹游蜂浪蝶猜。一陣
清風過樹下。副哉名實雅宜栽。綴枝葉綠襯

花紅艷矣而饒林下風。頗厭世間稱道俗翻身
飛去向方蓬。庚寅夏日御題。每幅分鈐寶。乾
隆宸翰得象外意。

鑒藏寶璽


七璽金

淳化軒。淳化軒圖書珍秘寶。乾隆

宸翰。信天主人古希天子壽。

收傳印記。婁東王遜之審定。顯菴夢墨亭。

謹按陳仲仁江右人官陽城主簿善山水人物花鳥見國繪寶鑑。



趙雍仿宋人十八拍圖

一卷

本幅絹本。縱九寸一分。橫一丈一尺八寸三分。設色畫。穹廬卓立。蔡琰席地坐。旁列女侍。武士橐鞬環衛。幕外吹笳擊鼓。列帳星布。淺草平岡。或馳騎射雁。或檠弓撚矢。凡人百有二馬。六十三橐駝。二款仲穆鈴印一。仲穆。

御題行書。

能讀圉人釋誨書。曲傳十八拍穹廬明妃尚自

漢宮出。衡量生還殆弗如。癸未夏御題鈴寶。

二。乾隆。

鑒藏寶璽。

七璽全。

淳化軒。淳化軒圖書珍秘寶。乾隆。

宸翰信天主人古希天子五福五代堂古稀天子寶。壽八徵耄念之寶。

收傳印記。南陽世家元敬一印不可辨。

謹按南陽世家。乃元仇遠印。元敬明都穆字著鐵網珊瑚寓意編者也。

趙雍三馬圖 一卷

本幅宋牋本。縱九寸五分。橫二尺四寸五分。
淺設色。畫平沙枯樹。三馬散牧。驢黃白各一。
款至正五年六月廿二日。仲穆畫。鈐印二。仲
穆。趙。

御題行書

古樹平無宜。坳牧嘶風顧影態。都閒錦鞍玉勒。
渾無藉始識。傳神阿堵間。己丑仲春。御題。鈐

寶二。幾暇怡情。乾隆宸翰。

引首妙墨。篆書西涯鈴印一。賓之。

後幅前人題識。

趙仲穆畫馬歌。吾聞良馬之德。凡君子。畫圖
往往形骸似。昔侍韓幹曹將軍。繼有龍眠李
居士。宣和御府多選收。一紙不惜千金求。龍
頭鳳頭。今莫見。口塵黜。淡沙場。秋當代。吳興
趙崇祿。筆精墨妙。驚流俗。有時游戲寫花驄。
骨力追風蹄削玉。小年我識津陰冀。天閑十
二歲。習中雲間亦有任公子。俊偉相持聲價
同。吳興可嘉相繼者。仲穆聲名絕滿瀝。凝思
作意掃驂騎。妙處超出諸公下。時時落紙雲
霧生。膝如團。翅雙眼明。一日千里飛騰志。興

龍為友。長嘶鳴。英。蔡。荒。苑。霜。風。冷。秋。草。如。驄。
弔。形。影。更。從。伯。樂。傳。相。經。個。傑。雄。奇。勢。如。驄。
塞。翁。見。之。還。歎。嗟。我。亦。疑。此。來。渥。洼。為。情。妙。
技。聞。清。峻。新。圖。森。真。真。雄。誇。素。心。勁。骨。合。天。
德。神。駿。高。驥。宜。稱。力。願。君。寓。圖。德。臨。心。舉。足。
軒。然。凌。八。極。虞。集。伯。生。題。鈴。印。一。伯。生。

鑒藏寶璽

七
全

淳化軒。淳化軒圖書珍秘寶。乾隆

宸翰。信。天。主。人。古。希。天。子。五。福。五。代。堂。古。稀。天。
子。寶。壽。八。徵。老。念。之。寶。



朱德潤秀野軒圖 一卷

本幅宋牋本。縱八寸八分。橫六尺六寸。水墨畫溪山林木。軒在坡陀上。二人坐軒中。度橋來者三人。後一人負樽榼行書。秀野軒記。一元之氣生物。而得其氣。緼扶輿以成其精。英淑粹者為秀焉。故卿雲景星天之秀也。崇崖縹溪山之秀也。麒麟鳳皇羽毛之秀也。賢材碩德人之秀也。人介乎兩間。又能攬其物。

之秀而歸之好樂寓之游息如昔人棲霞之樓
醒心之亭見諸傳記者不一也吳人周君景
安居餘杭山之西南其背則倚錦峰之文石
面則挹貞山之麗澤右則肘玉遮之障左則
眇天池之阪雙溪界其南北四山之間平疇
沃野草木蔥蒨車然而軒者景安之所遊息
也軒之傍幽蹊曲檻佳木秀卉翠軒玉映於
闌楯之間得江浙行省左丞周公題其軒之

顏曰秀野以誌其美。此其是歟。嗟乎。物有託而傳。野得人而秀。雷塘謝池是已。景安居是軒也。又將觀列史諸書。以鑒其事。眼前言往。行以進其學。使他日有偉然秀出于餘杭之野者。吾於景安有望焉。因書以為記。至正二十四年歲甲辰四月十日睢陽山人時年七十有一。朱德潤畫并記。鈴印二。朱澤民氏眉字散人。

御題行書

徵士耽小隱。幽居水竹便。開軒眄秀野。據榻吟
高天。佳話留今日。良朋自昔年。吳中故多士。勃
海獨成緣。御題鈐寶一。乾隆宸翰。

引首秀野軒篆玉雪坡翁書。鈐印二行中書。
周伯溫氏。

後幅前人及高士奇題跋。

余昔遊吳中諸山。至周氏秀野軒。領覽天池
玉連之勝。今數年矣。近歸寓軒。獲觀周侍御

之大篆。朱提學之新。國恍然若夢遊也。景安
求子著語。聊爾塞責。老餘才盡。愧無佳語耳。
我憶天池與玉迤。幽軒水木溶清華。竿笠遠
振風林竹。錦綺晴連曉徑花。山巒數床朝看
雨。澗泉漱石夜分茶。番陽大篆睢陽畫。不負
春陵處士家。至正廿又五年正月既望京口
張監天民書。時年八十五歲。
昔年曾作軒中客。今日重題秀野詩。四檻彩
雲晴線縹。遠牆蒼雪曉參差。雨餘山氣侵茶
鼎。風過林香落酒卮。念我松楸渾咫尺。倚闌
長是不勝思。吳郡朱斌。鈴印二。朱份文印。童
天心水面。
屋裏清山屋外溪。水流雲度坐中知。繁花翠
竹春來好。古木蒼藤晚更奇。教子讀書兼學
稼。留人炊黍復烹葵。鹿門風景青門起。都在
斜陽曳杖時。張吉。

高士開門日日開。遠山如髮水如簪。幾時脫却塵中鞅。布職青鞵屢往來。瞿蔣

瑯玕芝草繞軒幽。日靜簾垂不上鉤。憶得說游聯玉塵。仍同騎鶴赴元洲。朶朶拳巒擁綠鬟。桐陰多處地尤慳。居人一覽鍾神秀。霽月光風詠笑閒。香裊銅奩春晝遲。窓分華影覆參差。只輸我輩烟霞侶。恒得憑軒歌紫芝。靄靄靄涼雲雨後陰。抱琴開酒偈中林。眉山不獨知司馬。安也還能識我心。北碕生薛穆鈴印。二薛穆私印。薛公達。

江晚洲渚交。雨晴草菲菲。前山靄欲暗。暑師渡水歸。望烟知君家。花竹隱半扉。乍休田中耒。猶響林下機。此鄉既桃源。亂後世有希。開園身已到。不知塵境上。渤海高啓鈴印三高李迪氏孟諸野人薛帷。何處問幽尋。軒居湖上林。竹陰看坐釣。苔跡

想行吟。筆日斜明牖。者風涼到琴。相過有隣
吏。應只論閑心。郊郡徐資鈴印二。徐資私印。

徐幼文。

霽色青蕪外。開軒此獨幽。竹深頻理逕。山近
不為樓。茶興邀僧共。花期報客遊。看國情到
晚。借履擬相求。潯陽張羽。鈴印二。張羽私印。

張耒儀。

濕翠浮草芽。空青散木杪。輕舟理橫塘。歸人
渡清曉。樓鴉返故巢。潛鱗躍新藻。倒景淡斜
暉。迴颺蕩晴昊。衡門夜不高。燕坐事幽討。落
葉秋自飄。殘花春懶墮。愛此軒中人。未願常
不老。我欲往從之。稅駕苦未早。揮手謝孤雲
去去沒蒼徼。萊蕪余堯臣。鈴印二。余堯臣印。

余唐卿。又一印不可辨。

高館罷零雨。前榮颺微風。霏霏碧蘿花。吹落
酒筵中。移席俯流水。揮絃度秋鴻。遠思獨樂

意邀我誰與同太原王行鈴印三竹里王止
仲留雲舍

古苔十畝青山麓。窈窕幽花映深竹。中有高
人畫掩扉。裊裊裊藤梢上書屋。清風出谷灑秋
香。返照穿林破春綠。不省睢陽畫裏看。細路
經秋枝。蓼熟。青城王。鈴印一。王常宗。

東山淑氣晚環翠。南畝斜陽晚映紅。物我兩
忘天理見。欣欣花木總春風。徐珪。

秀野軒僕數年前曾為景安茂異賦之。恒愧
草草塵語不足記錄。今一展卷。諸傑作在前。

甚覺形穉。俛用書此圖。後日更賦之也。秀野
軒高瞰水濱。無邊光景四時新。此賦之地。秀野

句十畝樹陰都是雨。一庭草色自生春。好山
似畫開屏幘。啼鳥如歌送酒巡。晴色錦波題

不盡。幽花修竹。摠清真。青城山學樵。虞堪
背郭幽居如畫裏。斷林春水綠迴環。樹連烟

外啼猿寺。門對湖中過雨山。送客馬嘶清溪去。釣簾鳥度亂花還。十年奔走風塵際。肯惜

凭關一日閒。周世衡。

春風十里翡翠屏。玉遮對峙峨眉青。清泉白石雜花竹。天放畫圖鍾地靈。高人開軒當此景。酌酒賦詩白日靜。四簷風作翠海聲。八窗簾卷晴霞影。我亦托跡畊漁間。結屋讀書湖上山。抱琴訪子從茲始。布襪青鞋相往還。南州徐達左。分鈴印三松雲生。畊漁軒。良輔幽居謝塵喧。啟戶瞰平陸。東皋夜來雨。百卉如膏沐。溶溶水浮溪。嵩高雲出谷。雉鳴麥風暖。鷺眠柘烟綠。忘形絕衆累。居寵有深辱。揮絃對青山。夕陽見樵牧。金覺。

奉題景安徵士秀野軒因懷李瞻劉君十年歸向山中住。每得從容訪隱居。雲氣白霏檐外雨。竹光清映案頭書。凭欄盡靜聽呦鹿。鑿

治泉香愛畜魚。因憶軒中舊賓客。江湖清夢
未應疎。董達

盤盤錦峯陽。原陸平如掌。中有故人居。曾軒
起宏敞。綠林幽鳥鳴。清沼遊魚上。已知永泰
收。更喜桑麻長。徵翰了官賦。豈念田園廢。躋
堂壽雙親。賓朋時燕饗。怡悅心自安。坐久絕
塵想。披圖一長吟。松風谷清響。寄翁
軒宇何清曠。憑闌散煩襟。叢蘭藹幽芬。修篁
結重陰。茲馬惟遐賞。逍遙冥素心。斯誠苟不
昧。訪子西山岑。惠禎

軒居面蒼岑。種藝雜花竹。竹影畫扶蘇。花香
時馥郁。坐對雲山高。庭陰桑柘綠。石田春雨
餘。幽歌聽撫牧。冠蓋豈不榮。誰能受羈束。臨
囊琴滿床。插架書連屋。門前好客來。樽酒
應熟。張均
得覽先公筆。悠然記昔時。松楸先塋近。花竹

故人稀。圖畫留遺跡。雲山起遠思。投閒身未遂。感慨一題詩。鄉人朱吉。秀野軒者。吳周景安。毗覽之所也。鄱陽周公為題其額。我先公寫而圖之。復從而記之。蓋軒與吾先壻容過。景安乃先公之愛友。非若是孰從而得哉。先公莫年。每倦于此。明年遂即世。此絕筆也。景安亦已物故。景安之婿。何幼澄氏。持以示余。拜觀圖後。題詠多。吳中秀士。俯仰之間。已四十餘年矣。諸公亦多淪沒。豈易得哉。且夫名之著者。因以德。境之勝者。由于人。他日何氏子孫。傳示永久。亦足以侈外家之雅集矣。幼澄宜珥藏焉。余既賦之以詩。復求識之于後。遂書而歸之。永樂庚寅二月望日。朱吉識。鈴印二。朱口口又一印不可辨。

元朱德閏澤民為周景安徵士寫秀野軒圖。蒼潤清逸。在子久叔明之間。又為作記。文采

試雙字畫道麗亦頗頗鮮越。澤民為江浙提
舉學校文行之美。冠冕一時。持性廉重。不輕
徇人求。是以流傳有限。此卷真吉光片羽也。
周左丞伯琦為篆秀野軒三字。亦極偉觀。題
者十九人。悉名筆也。未則其嗣君識語亦見
世美。康熙辛未春得此。與趙仲穆竹西圖卷。
山荆脫簪珥為余購之。甲戌入都。留之信天
巢。丁丑請養南旋。又逾兩載。未經展閱。已卯
十一月十六日。已過小寒。連日陰雨而暖。廿
日晚起。雪落始有變寒之意。簡靜齋姚梅與
紅白古梅盛開。香氣撲人。瓶中有水仙茶花
因取此詳閱數過。覺一段林水閒情。非京華
富貴人所曉。時大兒公車。次兒侍側。客贈成
富五采水丞。用以注水。磨君房墨作畫。江村
高士奇竹窗年五十五鈴印三士奇高澹人
樂我簡靜。簡靜齋周裏工夫澹中滋味。

朱澤民秀野軒圖真蹟。康熙三十年十一月江村草堂購於顧維岳。用價三十四兩。近年古蹟日少。此卷百金不可得。卷子孫守之。江村鈴印一。朗潤堂書。

題籤

御筆

朱德潤秀野軒圖

內府珍藏

鈴寶一 乾隆宸

翰

鑒藏寶璽

七璽

淳化軒。淳化軒圖書珍秘寶。乾隆

宸翰信天主人

收傳印記。良惠堂口書。沈氏珍玩會嘉珂雪。

攜李李氏鶴夢軒珍藏記。爽溪李高李珂雪
珍藏。退密。項子京家珍藏。天籟閣。項墨林鑒
賞章。墨林秘玩。墨林子。墨林山人。墨林生。項
元汴印。項墨林父秘笈之印。神品。子京父藏
高士奇圖書記。竹窓。高詹事。高氏江村草堂
珍藏書畫之印。江村。簡靜齋。又圓印一不可
辨。

謹按是蹟見書畫彙考題跋印記俱同。惟跋
中薛穆下有楊基題詩一首。徐珪下有沈純

張端韓奕高隅樊圃田畊姜文震金震題詩
各一首。寄翁下有陳樸張德常王希白李至
劉王忱朱復古虞本題詩各一首。朱吉下有
王廷圭梁用行張肯陳元宗題詩各一首。今
皆脫去。細尋之俱當各段接紙處。蓋裝潢家
裁之也。又見江村銷夏錄。則人詩數皆與此
同。蓋去卞氏後。歸高氏前。所載去耳。王雪坡
翁為周伯琦號。張監號鶴溪。金壇人。朱斌。吳
江人。至正十三年鄉貢。薛穆自號北磻生。松
江人。瞿莊字敬孚。常熟人。明初官福建布政
司左叅政。